

EPOKA

ERE

E përditshme e pavarur
Viti XIX, nr. 5690
E enjte, 31 janar 2019
çmimi 0.40 €

Më 2 shkurt seanca për buxhetin

IFAQE 9



Na ndiqni edhe në:

www.epokaere.com



facebook.com
Gazeta "Epoka e re"

AWR **ABBRUCH** GMBH
www.awr-abbruch.de

AKTUALE

NUK KA SKENARË TË MIRË ME SKENARISTË TË KËQIJ F. 6



Behxhet Sh. SHALA - BAJGORA

MUSTAFA: KOSOVA E KA ZBATUAR NË MËNYRË TË SUKSESSHME STRATEGJINË PËR ARMËT F. 2

ZAHIRI, HAKIFI DHE EDMONDI DËSHMUAN SE SHQIPTARËT NUK MUND TË MPOSITEN NË PËRPEKJET PËR LIRI F. 5

EKONOMI

RRITET NUMRI I PASAGJERËVE QË SHFRYTËZOJNË TRENIN DHE AEROPLANIN F. 8

NUMRI I BIZNESEVE NË KOSOVË SHËNON RRRITJE F. 8

KULTURË

Intervistë me Meriman Brahën (2) **NË GOLI OTOK, DËNIME MË TË RËNDA SE NË KAMPET NAZISTE** F. 13



SPORT

BYTYQI: KOSOVA PËR SHUMË VJET E KA PORTËN E SIGURT F. 16

MIQËSORJA KOSOVË - DANIMARKË, MË 21 MARS NË 'FADIL VOKRRI' F. 16

LIDERËT E KOALICIONIT QEVERISËS JANË TAKUAR TË MËRKURËN PËR TË BISEDUAR PËR ZHVILLIMET E FUNDIT NË VEND IFAQE 4-5

Qeveria vazhdon, taksa nuk pezullohet


Udhëheqësit e koalicionit qeverisës janë pajtuar të mërkurën që koalicioni qeverisës ta vazhdojë punën. Pas një takimi dyorësh, i cili është mbajtur në ndërtesën e Qeverisë, është diskutuar për zhvillimet e fundit politike dhe për taksën ndaj produkteve të Serbisë dhe të Bosnjës. Ata janë zotuar për

shtimin e hapave dhe për bashkërendimin e vendimeve me partnerët strategjikë të Kosovës, ShBA-në dhe BE-në. Vlerësim i përbashkët i tyre ishte, sipas një deklarate të Zyrës së Kryeministrit, se koalicioni është stabil dhe me më përkushtim do të vazhdojë drejt arritjes së objektivave



Emërimi i anëtarëve të KQZ-së, pas kompletimit të dokumentacionit

Emërimi i anëtarëve të rinj të Komisionit Qendror të Zgjedhjeve (KQZ) nga presidenti Hashim Thaçi pritet të ndodhë së shpejti. Zyra për Informim e Presidentit nëpërmjet një përgjigjeje me shkrim për gazetën "Epoka e re" ka bërë me dije se emërimi i anëtarëve të KQZ-së do të bëhet pas kompletimit të dokumentacionit të tyre meqë ka pasur dokumentacione të pakompletuara të disa prej të nominuarve. Por,



kandidati për anëtar të KQZ-së nga radhët e LDK-së, Florian Dushi, ka thënë se presidenti është duke vepruar në kundërshtim me rolin dhe përgjegjësitë e veta kushtetuese IFAQE 3



SBASHK-u: Koeficientët janë të papranueshëm, greva vazhdon IFAQE 7

RENOVA
PUTZ
Magedoni
Xhepçisht-Tetovë
Gurëz-Ferizaj
Tel: +389 44 487 300; +389 44 487 009
+389 44 487 755
Fax: +389 44 487 200
Mob: +377 44 501 289
E-mail: renova@mt.net.mk

PRINCESHA
GROUP SH.P.K.
NDËRTIM
PROJEKTIM
SHITJE
INFO: 049-111-101,
044-511-177
www.princesha-ks.com

Bunjamini
FABRIKA E LLAQEVE
MITROVICË
044/256-051
044/367-061
028/532-617
STYROKOL · BUNJAKOL · EUROFASADË

Kolegji BIZNESI
www.kolegijbiznesi.com
info@kolegijbiznesi.com
038 500 878 | 045 500 878
044 500 878 | 049 500 878

SIGMA
VIENNA INSURANCE GROUP
SIGMA INTERALBANK VIENNA INSURANCE GROUP SH.A
DEGA KOSOVË
Rruga "Pashko Vasa", p.n Prishtinë, Kosovë, Vite
Tel: +381 (0)38 246 301 Fax: +381 (0)38 246 302
E-mail: info@sigma-ks.net | www.sigma-ks.net

DINO
Konjuh Lipjan, Magj. Prishtinë Ferizaj-Kosovë
tel & fax +381 38 566 666

Maqedonia e Veriut, qeveria flet shqip!

SHKUP, 30 JANAR - Qeveria e Maqedonisë ka nisur procedurat për fillimin e zbatimit në praktikë të Ligjit për përdorimin e gjuhëve, përkatësisht të gjuhës shqipe. Zëdhënësi i Qeverisë së këtij shteti, Muhamet Hoxha, ka thënë se në mbledhjen e së mërkurës të kabinetit qeveritar, ministrat shqiptarë për herë të parë i kanë mbajtur fjalimet e tyre në gjuhën shqipe. Kryeministri i Maqedonisë, Zoran Zaev, ka theksuar se me përdorimin e gjuhëve të bashkë-

sive etnike, mundësohet zgjidhja ligjore që në të njëjtën kohë paraqet shembull për përkushtimin e institucioneve që jo vetëm në mënyrë deklarative, por edhe në praktikë t'u mundësohet bashkësive etnike e drejta e përdorimit të gjuhës së tyre.

Qeveria, gjithashtu, ka marrë vendim për nisjen e procedurës për zbatimin në praktikë të emrit të ri të shtetit, "Republika e Maqedonisë së Veriut".

Në të gjitha institucionet e

nivelet qendror, si në objektin e Qeverisë, të ministrive, Kuvendit, vendkalimet kufitare e organe tjera, tabelat do të duhet të zëvendësohen me emrin e ri të shtetit, ndërsa një hap i tillë do t'iu rekomandohet edhe institucioneve të pushtetit lokal. Tabelat do të jenë edhe në gjuhën shqipe, ashtu siç është e rregulluar me ligj.

Vendimet e Qeverisë në Shkup janë marrë disa ditë pasi Kuvendi i Greqisë ka ratifikuar



marrëveshjen për zgjidhjen e kontestit 27-vjeçar të emrit. Marrëveshja e arritur më 17 qershor të vitit të kaluar ka zhbllokuar procesin e anë-

tarësimit të Maqedonisë në NATO si dhe pritet të rezultojë me nisjen e bisedimeve për anëtarësimin e këtij vendi në Bashkimin Evropian.

Mustafa: Kosova e ka zbatuar në mënyrë të suksesshme strategjinë për armët

Ministri i Punëve të Brendshme, Ekrem Mustafa, tha se janë duke u adresuar të gjitha posedimet e paligjshme të armëve dhe, përveç konfiskimit, është duke u zbatuar edhe një aktivitet për legalizim, me qëllim që t'ua ofrojë mundësinë të gjithë qytetarëve që të jenë në pajtim me ligjin si dhe ta rrisin sigurinë në Kosovë

trafikimit të armëve të vogla dhe të lehta dhe municionit të tyre në Ballkanin Perëndimor deri më 2024. Udhërrëfyesi është pjesë e Procesit të Berlinit", theksoi ministri Mustafa.

Ministri Mustafa theksoi se janë duke u adresuar të gjitha posedimet e paligjshme dhe, përveç konfiskimit, është duke u zbatuar edhe një aktivitet për legalizim, me qëllim që t'ua ofrojnë mundësinë të gjithë qytetarëve të jenë në pajtim me ligjin si dhe, në anën tjetër, të rrisin sigurinë në Kosovë. "Duke e parë rrezikun në

rritje nga krimi kibernetik, si dhe sigurinë online të qytetarëve tanë, do të doja ta falënderoja Projektin e UNDP-së për siguri, gjithashtu edhe për projektin në këtë fushë", tha ministri Mustafa.

Në fund ai falënderoi donatorët: Qeverinë e Gjermanisë, Norvegjisë, Italisë, si dhe USAID-in për ndihmën e tyre në të dy fushat, si dhe për mbështetjen që na e kanë dhënë për t'u bërë eksportues të sigurisë.

Projekti KSSP-së është plotësisht i integruar në kuadër të institucioneve përkatëse dhe mbështet

zhvillimin e aplikueshëm të kornizës ligjore, strategjitë dhe planet e veprimit. Mbrojtja dhe siguria publike janë parakushte për zhvillim të qëndrueshëm dhe arritjen e objektivave për zhvillim të qëndrueshëm të Kombeve të Bashkuara (OZHQ-ve), posaçërisht OZHQ 16. Projekti është i fokusuar në kontrollin e armëve të vogla dhe të lehta (AVL), zhvillim më të sigurt të komunitetit, parandalimin e ekstremizmit të dhunshëm dhe, kohën e fundit, edhe në luftimin e krimit kibernetik.

PRISHTINË, 30 JANAR - Në Ministrinë e Punëve të Brendshme u mbajt takimi i Bordit të Projektit të UNDP-së për Siguri (KSSP) në Kosovë. Në këtë takim morën pjesë ministri i Punëve të Brendshme, Ekrem Mustafa, Alessandra Roccasalvo, përfaqësuese e përhershme u. d. e UNDP-së, ambasadori norvegjez Per Strand Sjaastad, ambasadori gjerman Christian Heldt dhe drejtori për Operacione në Policinë e Kosovës, Afrim Ahmeti.

Bordi shqyrtoi rezultatet e projekteve të arritura gjatë vitit 2018 dhe u diskutuan nevojat për asistencë të mëtutjeshme që do të kontribuojnë për rritjen e sigurisë së përgjithshme në Kosovë. Me këtë rast, ministri Punëve të Brendshme, Ekrem Mustafa, falënderoi projektin e UNDP-së për Siguri në Kosovë, i cili ka ndihmuar për gati 10 vjet, jo vetëm në fushën e kontrollit të armëve të vogla, por edhe në kontekstin më të gjerë të çështjeve të sigurisë, përfshirë tani edhe në fushën e sigurisë kibernetike. "Kosova e ka zbatuar në mënyrë të suk-

sesshme Strategjinë për armët e vogla dhe të lehta dhe planin e veprimit që nga viti 2009. E ka miratuar planin e veprimit me Udhërrëfyesin për zgjidhje të qëndrueshme rreth posedimit ilegal, keqpërdorimit dhe



Meta përshëndet marrëveshjen e partive shqiptare në Mal të Zi

TIRANË, 30 JANAR - Presidenti i Shqipërisë, Ilir Meta, ka përshëndetur të mërkurën marrëveshjen e partive shqiptare në Mal të Zi, të cilat kanë formuar një koalicion të përbashkët për zgjedhjet

lokale në komunën e Tuzit. "E përshëndes vendimin e mençur të udhëheqësve të subjekteve politike shqiptare në Malin e Zi për arritjen e marrëveshjes për formimin e një koalicioni të përbashkët

parazgjedhor për zgjedhjet lokale të 3 marsit në Komunën e Tuzit. Duke u uruar suksese në këtë garë elektorale, jam besimplotë se kjo marrëveshje është një hap në drejtimin e duhur për

fitoren dhe drejtimin e Komunës së Tuzit përmes bashkëpunimit por edhe bashkëjetesës shembullore me malazezët dhe me të gjithë grupimet e tjera etnike", ka shkruar presidenti Meta.



Presidenti Hashim Thaçi është në pritje të dokumentacionit shtesë për emërimin e anëtarëve të Komisionit Qendror të Zgjedhjeve (KQZ)

Emërimi i anëtarëve të KQZ-së pas kompletimit të dokumentacionit

Emërimi i anëtarëve të rinj të Komisionit Qendror të Zgjedhjeve (KQZ) nga presidenti Hashim Thaçi pritet të ndodhë së shpejti. Zyra për Informim e Presidentit nëpërmjet një përgjigje me shkrim për gazetën "Epoka e re" ka bërë me dije se emërimi i anëtarëve të KQZ-së do të bëhet pas kompletimit të dokumentacionit të tyre, meqë ka pasur dokumentacione të pakompletuara të disa prej të nominuarve. Por, kandidati për anëtar të KQZ-së nga radhët e LDK-së, Florian Dushi, ka thënë se presidenti është duke vepruar në kundërshtim me rolin dhe përgjegjësitë e veta kushtetuese

Presidentit. Por kandidati për anëtar të KQZ-së nga radhët e Lidhjes Demokratike të Kosovës (LDK), Florian Dushi, ka thënë të mërkurën për gazetën "Epoka e re" se presidenti i Kosovës, Hashim Thaçi, është duke vepruar në kundërshtim me rolin dhe përgjegjësitë e veta kushtetuese. Sipas Dushit, arsytimi për "moskompletimin e dosjeve të të nominuarve" nuk i justifikon vonesat në këtë proces. "Mosemërimi i anëtarëve të Komisionit Qendror të Zgjedhjeve (KQZ) për më tepër se një vit nga ana e presidentit, madje nganjëherë duke u fshehur pas disa aspekteve teknike, siç është rasti me, kinse, 'moskompletimin e dosjeve të të nominuarve', nuk e justifikon në asnjë mënyrë presidentin i cili në këtë rast është duke vepruar në kundërshtim flagrant me rolin dhe përgjegjësitë e tij kushtetuese", ka deklaruar Dushi, duke shtuar se atij dhe bashkëpartiakut të tij, Sami Hamiti, nuk u është kërkuar asnjë dokument shtesë nga presidenca. Sidoqoftë, ai ka kërkuar nga

presidenti Thaçi që sa më parë ta përmbushë obligimin e vet kushtetues, duke i emëruar anëtarët e KQZ-së konform formulës së dhënë kushtetuese në mënyrë që të funksionalizohet një ndër institucionet më vitale të Republikës së Kosovës. "Është me rëndësi të theksohet se diçka e këtillë në shtetin tonë është duke ndodhur për herë të parë nga një president i cili, me gjasë, nuk po mund të shkëputet dot nga prejardhja partiake-politike. Prandaj, kërkesa ime lidhur me këtë çështje është që presidenti sa më parë ta përmbushë obligimin e vet kushtetues, pra sa më parë t'i emërojë anëtarët e KQZ-së konform formulës së dhënë kushtetuese e cila tashmë është praktikuar disa herë dhe në këtë mënyrë ta funksionalizojë njërin ndër institucionet më vitale të Republikës së Kosovës", ka theksuar Dushi. Ndërsa i nominuari nga Partia Demokratike e Kosovës (PDK) për anëtar të Komisionit Qendror të Zgjedhjeve, Ilir Gashi, ka thënë për gazetën "Epoka e re" se shumë shpejt presidenti do ta dekretojë përbërjen e re të

KQZ-së. Ai ka theksuar se KQZ-ja pa arsye nuk ka thirrur mbledhje për t'i kryer detyrat e saj të përcaktuara me ligj sepse, sipas Gashit, në një farë forme ka pasur bojkot nga një pjesë e opozitës rreth dilemave të përbërjes së KQZ-së. Sipas Gashit, KQZ-ja me gjendjen e njëjtë kushtetuese ka mbajtur zgjedhje lokale dhe parlamentare në vitin 2013/14. "Shpresoj se presidenti do t'i thërrasë të nominuarit së shpejti për t'i dekretuar të rinjtë dhe ata që vazhdojnë mandatin. KQZ-ja pa arsye nuk ka thirrur mbledhje për t'i kryer detyrat e veta të përcaktuara me ligj sepse në një farë forme ka pasur bojkot nga një pjesë e opozitës rreth dilemave të përbërjes së saj. KQZ-ja me gjendjen e njëjtë kushtetuese ka mbajtur zgjedhje lokale dhe të përgjithshme në vitin 2013/14. Kështu që, edhe sot mendoj se mund t'i kryejmë detyrat tona sepse nuk asnjë dekret nga presidenti për përfundim të mandatit meqë presidenca e ka pasur të qartë se ne kemi mandat deri në përbërjen e re për të mos lënë vakum institucional", ka deklaruar Gashi.

**EPOKA
ERE** Shqipe HETEMI

PRISHTINË, 30 JANAR - Komisioni Qendror i Zgjedhjeve (KQZ) pritet të bëhet funksional së shpejti meqë presidenti i vendit, Hashim Thaçi, në ditët në vazhdim do t'i emërojë anëtarët e rinj të KQZ-së. Zyra për Informim e Presidentit nëpërmjet një përgjigje me shkrim për gazetën "Epoka e re" ka bërë me dije se emërimi i anëtarëve të KQZ-së do të bëhet pas kompletimit të doku-

mentacionit të tyre meqë ka pasur dokumentacione të pakompletuara te disa prej të nominuarve. "Pas pranimit të nominimeve nga grupet parlamentare për anëtarë të KQZ-së dhe verifikimit të dokumentacionit të tyre, Departamenti Ligjor ka vërejtur dokumentacione të pakompletuara te disa prej tyre dhe ka kërkuar dokumentacione shtesë. Sapo të kompletohen, presidenti do t'i dekretojë anëtarët e rinj të KQZ-së", është thënë në përgjigjen me shkrim nga Zyra për Informim e



Jepen çmimet për shkencëtarët e vitit 2018



PRISHTINË, 30 JANAR (ER) - Ministri i Arsimit, i Shkencës dhe i Teknologjisë, Shyqiri Bytyqi, ka ndarë të mërkurën çmimin "Shkencëtar i vitit" dhe "Shkencëtar i ri i vitit" për vitin 2018, çmim ky tradicional që u ndahet shkencëtarëve të dalluar në punën e tyre kërkimore shkencore gjatë vitit. Çmimi "Shkencëtar i vitit" iu dha dr. Driton Velës nga Departamenti i Fiziologjisë në Fakultetin e Mjekësisë të

Universitetit të Prishtinës "Hasan Prishtina". Ndërsa çmimi "Shkencëtar i ri" iu dha dr. Valdet Ukës nga Dega e Farmacisë në Fakultetin e Mjekësisë të Universitetit të Prishtinës "Hasan Prishtina". Me këtë rast, ministri Bytyqi uroi fituesit e çmimit dhe i përgëzoi për angazhimin në punën e tyre kërkimore shkencore, njëherësh i inkurajoi të vazhdojnë veprimtarinë shkencore. Ministri Bytyqi ka theksuar nevo-

jën më të madhe të angazhimit institucional në përkrahje të hulumtuesve shkencorë, ndërsa ka thënë se duhet të shfrytëzohen edhe mundësitë e përfitimeve nga fondet ndërkombëtare. Bytyqi ka përmendur anëtarësimin në COST, po ashtu edhe programin 'Horizon 2020' si mundësi të mira për hulumtuesit shkencorë, në mënyrë që të avancohen hulumtimi dhe shkenca në Kosovë, por edhe të ndërkombëtarizohen.

Liderët e koalicionit qeverisës janë takuar të mërkurën për të biseduar për zhvillimet e fundit në vend

Qeveria vazhdon, taksa



Udhëheqësit e koalicionit qeverisës janë pajtuar të mërkurën që koalicioni qeverisës ta vazhdojë punën. Pas një takimi dyorësh, i cili është mbajtur në ndërtesën e Qeverisë, është diskutuar për zhvillimet e fundit politike dhe për taksën ndaj produkteve të Serbisë dhe të Bosnjës. Ata janë zotuar për shtimin e hapave dhe bashkërendimin e vendimeve me partnerët strategjikë të Kosovës, ShBA-në dhe BE-në. Vlerësim i përbashkët i tyre ishte, sipas një deklaratë të Zyrës së Kryeministrit, se koalicioni është stabil dhe me më përkushtim do të vazhdojë drejt arritjes së objektivave

**EPOKA
ERE**

Muhamet KOCI

PRISHTINË, 30 JANAR - Liderët e koalicionit qeverisës kanë bërë me dije të mërkurën se koalicioni qeverisës do ta vazhdojë punën. Pas një takimi, i cili ka zgjatuar më shumë se dy orë, Zyra e Kryeministrit ka lëshuar një deklaratë për medie, në të cilën është thënë se koalicioni është funksional dhe stabil. Sipas kësaj deklaratë, Qeveria me përkushtim do ta vazhdojë arritjen e qëllimeve në përputhje me objektivat programore qeverisëse. "Në takimin e sotëm të liderëve të partive të koalicionit qeverisës u diskutua për zhvillimet e fundit politike në vend, për funksionimin e institucioneve, për përmbushjen e agjendës

qeverisëse dhe legislative, me theks të posaçëm aprovimin e buxhetit 2019, pakon e ligjeve përcjellëse, platformën e dialogut dhe çështjen e taksës. Partnerët e koalicionit janë pajtuar që në ditët në vazhdim t'i shtojnë veprimet dhe aktivitetet drejt harmonizimit të vendim-marrjes për sa iu takon temave të sipërpërmendura", është thënë në deklaratën për medie të Zyrës së Kryeministrit. Sipas kësaj deklaratë, në takimin ku kanë marrë pjesë kryetari i PDK-së, Kadri Veseli, kryetari i AAK-së, Ramush Haradinaj, kryetari i Nismës, Fatmir Limaj dhe kryetari i AKR-së, Behgjet Pacolli, është biseduar kryesisht për aspektet kryesore që ndërlidhen me platformën e dialogut, e cila pritet të miratohet së shpejti

në Kuvendin e Kosovës. "Platforma e dialogut do ta reflektojë pozicionin unik të institucioneve të vendit për arritjen e një Marrëveshjeje Gjithëpërfshirëse Ligjërishit e Obligueshme, e cila duhet të rezultojë me njohjen reciproke dhe anëtarësimin e Kosovës në OKB. Po ashtu, liderët e koalicionit u zotuan për shtimin e hapave dhe bashkërendimin e vendimeve me partnerët strategjikë të Kosovës, ShBA-në dhe BE-në. Është vlerësim i përbashkët se koalicioni është funksional dhe stabil. Do të vazhdohet me përkushtim për arritjen e qëllimeve në përputhje me objektivat programore qeverisëse", është thënë në deklaratën e Qeverisë së Kosovës.

nuk pezullohet

Ata vazhdimisht na kanë bërë këtë pyetje. Ne i kemi thënë se i kemi 20 mijë gra të dhunuara, 17 mijë njerëz të vrarë, persona të zhdukur, ekonominë e shkatërruar, e kështu me radhë. Unë u kam thënë do të ofronim pajtim, mirëpo ata (ndërkombëtarët) kanë thënë se nuk mjafton. Na kanë kërkuar të japim tokë. Kanë kërkuar ta japim veriun, aty ku janë minierat, pra aty ku është pasuria jonë. Ose, nëse nuk jepni tokë, jepni një 'republikë' brenda republikës suaj, pra një Zajdenicë", ka thënë Haradinaj. Ai ka bërë me dije se është i gatshëm që në këmbim të njohjes t'ia kthejë Serbisë tregun. "Unë po i lus kolegët e mi, edhe Hashimin, Kadriun, Albinin, Isën dhe Shpendin, nëse Serbia na njeh, a bën t'ia kthejmë tregun. Tregu i Kosovës është një miliard euro në vit", ka thënë ai. Në mënyrë indirekte Haradinaj ka komentuar edhe idenë e kryetarit të Kuvendit të Kosovës, Kadri Veseli, për pezullimin e taksës për 120 ditë. "Nëse ia hapim derën Serbisë për 120 ditë nuk kemi nevojë më të vendosim taksë, sepse ajo nuk e ka më vlerën e vet", është shprehur kryeministri. Sipas tij, është mirë që Kosova të jetë e sinqertë me miqtë e vet, me ShBA-në dhe Evropën, dhe t'u tregojë arsyen e marrjes së këtij vendimi për taksën.

PDK-ja kërkon që mos të dëmtohet miqësia me ShBA-në

Partia Demokratike e Kosovës (PDK) ka shprehur shqetësimin për, siç ka thënë, mungesën e theksuar të bashkërendimit dhe bashkëveprimit institucional për çështjet e interesit shtetëror të Kosovës. "Partia Demokratike e Kosovës kërkon që të hiqet dorë nga qasja dhe protagonizmi i njëanshëm politik, i cili po e shpie vendin në krizë politike, në kohën kur sfidat me të cilat përballlet shteti ynë kërkojnë unitet kombëtar. Pikëpamjet personale janë legjitime, por qëndrimi zyrtar dhe vendimmarrja për vendin duhet të jenë shtetërore, gjithmonë dhe në çdo rast", është thënë në deklaratën e PDK-së. Sipas kësaj partie, Kuvendi i Republikës së Kosovës është institucioni më i lartë i shtetit dhe asnjë vendim nuk ka vlerë pa marrë miratimin e deputetëve të tij.

Partia Demokratike e Kosovës ka kërkuar që të hiqet dorë nga deklaratimet për korrigjimin e kufijve. "Partia Demokratike e Kosovës kërkon që të hiqet dorë nga deklaratimet e thirrjes së një

konference ndërkombëtare për Kosovën. Kjo ide përmban rrezikun real të rihapjes së statusit final të Kosovës, i zgjidhur përfundimisht me shpalljen e pavarësisë së Kosovës, më 17 shkurt 2008, si dhe rrezikun e përfshirjes së Rusisë në proces. Kosova shkon në dialog vetëm për normalizimin e plotë të marrëdhënieve me Serbinë, njohjen

reciproke, ulësen në OKB dhe përsheptimin e anëtarësimit në BE dhe NATO", është theksuar në deklaratën e PDK-së, duke kërkuar edhe nga forcat politike opozitare që t'i marrin përgjegjësitë shtetërore ndaj vendit. "Lidhja Demokratike e Kosovës ta ndalë përdorimin e gjuhës denigruese të zyrtarëve të saj dhe ikjen nga përgjegjësia

shtetërore, ndërsa Lëvizja Vetëvendosje të distancohet nga diskursi i saj antishtet dhe ta njohë shtetin e Kosovës. Pozicioni i Partisë Demokratike të Kosovës është i qartë dhe i prerë: Kosova është shtet i pavarur dhe sovran dhe çdo vendimmarrje duhet të dalë dhe të legjitimohet nga Kuvendi i Republikës së Kosovës në kuadër të delegacionit shtetëror dhe platformës së përbashkët. Në fund, çdo vendimmarrje e arritur në përfundim të dialogut me Serbinë duhet të legjitimohet nga vullneti i drejtpërdrejtë i popullit të Kosovës me referendum dhe nga Kuvendi i Republikës së Kosovës", është thënë në deklaratën për medie të PDK-së.

Zahiri, Hakifi dhe Edmondi dëshmuar se shqiptarët nuk mund të mposhten në përpjekjet për liri

**EPOKA
ERE**

Qendresa RAMA

JUNIK, 30 JANAR - "Rënia e Zahirit, Hakifit dhe Edmondit, në mënyrën aq heroike, në përpjekje, duke rezistuar e luftuar, bëri kthesë në kalkulimet tona, në mënyrën se si ne e planifikonim më tutje se çfarë duhet të ndodhë, ku në këtë rrugëtim filloi edhe një seri e ngjarjeve të tjera që do të dëshmojnë se shqiptarët nuk mund t'i mposhtin në përpjekjet për liri. Duke i nderuar këta heronj, ne e vërtetojmë se e dimë rrugën tonë deri këtu dhe rrugën edhe më tutje", ka thënë kryeministri Ramush Haradinaj në akademinë përkujtimore në 22-vjetorin e rënies së heronjve të kombit, Zahir Pajaziti, Edmond Hoxha dhe Hakif Zejnullahu, pasi ka bërë homazhe te shtatorja e

heroit Edmond Hoxha.

Në fjalën e tij para të pranishmëve, kryeministri Haradinaj ka thënë se sot në vendlindjen e Edmondit po bashkohen edhe familjet e Zahirit e të Hakifit, po bashkohen të gjithë, ashtu siç ishin ata, por në Junik.

Duke folur nga Juniku, kryeministri Haradinaj ka thënë se ky vend, është vend i atdhetarëve të zotë dhe i përpjekjeve për liri. Ai ka thënë se nga ky vend në çdo etapë kanë dalë përpjekjet për liri, njerëz që i kanë ndihmuar ato procese. "Jo të gjithë kanë bërë emër që t'i njohë i gjithë kombi, por asnjëherë në asnjë etapë nuk ka munguar kontributi i Junikut. Juniku është vendi që është vënë në shërbim të lirisë e identitetit tonë kombëtar, janë njerëz të dijshtëm që kanë ditur t'i lexojnë drejt situatat,

që në çaste kyçe të vendosin për veprime unike, që rrallë ka ndodhur në etapa të tjera, vende të tjera shqiptare dhe etapa historike", ka thënë kryeministri Haradinaj.

Kryetari i Komunës së Junikut, Agron Kuçi, ka thënë se rënia e heronjve është sinonim i bashkimit të vlerave që ia dhanë vullën e lavdisë.


Të pranishëm në këtë akademi përkujtimore ishin përfaqësues institucionalë të nivelit qendror dhe lokal, familjarë të heronjve, bashkëluftëtarë, përfaqësues të shoqatave të dala nga lufta e UÇK-së dhe qytetarë të shumtë.

Nga një fjalë rasti para të pranishmëve mbajtën edhe përfaqësuesi i Shoqatave të Dala nga Lufta, Niman Tofaj, si dhe në emër të familjarëve të heronjve foli Floreta Zejnullahu.



Prej rritjes së presionit amerikan për heqjen e taksës, është folur për mundësinë e rrëzimit të Qeverisë. Këto dilema janë shtuar pas propozimit të kryeparlamentarit Kadri Veseli, se taksë duhet të pezullohet për 120 ditë. Kryeministri Ramush Haradinaj edhe të mërkurën ka deklaruar se nuk do ta heqë taksën pa e marrë njohjen nga Serbia. Gjatë akademisë përkujtimore në Junik, kushtuar Zahir Pajazitit, Edmond Hoxhës dhe Hakif Zejnullahut, kryeministri Haradinaj për herë të parë ka deklaruar se ndërkombëtarët kanë kërkuar që Kosova të japë tokë ose një Republika Serpska brenda territorit të vet për ta marrë njohjen nga Serbia. "Ndërkombëtarët na kanë thënë çka jepni ju që t'ju njohë Serbia.

Nuk ka skenarë të mirë me skenaristë të këqij



**Behxhet Sh.
SHALA - BAJGORA**

Dikujt po i kruhet, dikujt po i luhet: Mund edhe të mos pajtoheni me vlerësimin tim por, përfundimisht, kemi politikanë jashtëzakonisht inteligjentë, të lexuar, të besës, të fjalës, me një integritet të lartë moral, profesional, sidomos material!

Po i shohim zhvillimet e fundit rreth taksës 100 % për mallrat nga Serbia dhe Bosnja, dy shtete skajshmërisht armiqësore ndaj Kosovës. Këtë armiqësi, jo që nuk e fshehin, por krenohen me të. E keni parë Malli Sllobën (Sllobën Picimul), Ivica Daçiç, duke u krenuar me ç'njohjet që bëjnë disa shtete e se këtë e bëjnë duke u mbështetur në argumentet e Serbisë. Gjithashtu, ky picimul krenohet edhe me bllokadat që ia bën Serbia Kosovës dhe për këtë nuk më kujtohet të kenë reaguuar dyshi mashtrues, Frederika Mogerini dhe Johannes Han, sikur as edhe një ambasadë e vetme në Beograd apo Prishtinë. Po të kishte Kosova politikanë që e respektojnë minimumin e krenarisë kombëtare dhe sakrificën e bërë më shumë se 100 vjet, Serbia nuk do të ishte fare e pranishme në Kosovë. Po të mos i hapnin shalët në Rambuje, duke pranuar çdo gjë që iu ishte ofruar, nuk do të ishte Marrëveshja Tekniko - Ushtarake në Kumanovë ku shqiptarët dhe Kosova u futën në sandviç midis ndërkombëtarëve dhe Serbisë dhe u shkërdhën mirë e mirë, pa pasur aspak qasje në fatin që ia shkruan të tjerët. Disa nga këta pehllivanë hajdutë luajtën keq me gjakun e derdhur duke u shndërruar në milionerë dhe duke ua zëvendësuar armët e gjata TMK-së, gjithashtu me "armë të gjata", kazma dhe lopata! Lëshimet ishin zinxhore, deri në ditët tona; gjatë bisedimeve të Vjenës, Pakoja e kriminelit kushtetues Marti Ahtisari, 6 pikat e Sllobodan Samarxhiqit të përkthyer në 6 pikat e Ban ki Munit, organizimi i zgjedhjeve të Serbisë në

Kosovë nën përkujdesje të OSBE-së, mosndjekja dhe mosndëshkimi i krimeve serbe në Kosovë, formimi, mirëmbajtja dhe forcimi i strukturave paralele të Serbisë në Kosovë, injorimi dhe mohimi i institucioneve të Kosovës në vendet ku jetonin serbët, ndarja e qytetit të Mitrovicës në dy pjesë 18 vjet pas përfundimit të luftës, vrasja e qytetarëve joserbë dhe dëbimi i dhunshëm i më shumë se 13 000 mijë shqiptarëve dhe joserbëve nga veriu i Kosovës, lirimi nga burgu i Mitrovicës të 22 të dyshuarve për krime lufte e që pastaj disa shkuan në Serbi, kurse disa iu bashkuan organizatës kriminale "Rojat e Urës" dhe grupeve të tjera kriminale, deri te vrasja e policëve të Policisë së Kosovës sikur edhe vënia e zjarrit pikave doganore në Jarinjë dhe Bërrnjak, ditën e shpalljes së pavarësisë së Kosovës. Serbët për më shumë se 18 vjet nuk paguan për rrymën e shpenzuar, kurse hajnat ndërkombëtarë dhe vendorë këto shpenzime ua faturuan shqiptarëve duke i plaçkitur për aq kohë dhe vazhdojnë t'i plaçkitin edhe sot e kësaj dite. Kosovës iu imponuan bisedimet e pabarabarta nga të cilat doli fitues vetëm Serbia dhe një grup skajshmërisht i kriminalizuar i politikanëve vendorë. Po të mos ishte një atdhetar shembullor dhe sakrifikes, i dijshtëm përtej standardeve shqiptare dhe kosovare, mik i ngushtë i dy njerëzve më të fuqishëm në botë, Putinit dhe Trampit, siç është Behgjet Pacoll, Daçiçi do ta vazhdonte ployën mbi diplomacinë kosovare por, Begja, së bashku me bashkëpatriotët Dardan Gashi, Shpend Ahmeti, Enver Hoxhaj, u vënë si mur i gjallë para eskadronit pushkatues të Serbisë dhe, ende janë gjallë! Madje, të përparuar në karrierë. Po të më jepnin edhe 10 milionë euro ta bëj ranglistën se cili prej tyre është më patriot, më sakrifikes, më i dijshtëm, më i ndershëm, më pakurrizorë, sigurisht se do ta humbja bastin. E kam të pamundur ta bëj ndarjen dhe renditjen. Mirëpo, fati i përcjellë të guximshmit dhe në skenë dolën dy patriotë dhe trima të jashtëzakonshëm, Enver Hoxhaj dhe Endrit Shala (me shaljanë nuk ka mahi nëse e kujtoni këngën për shtatë shaljanë sikur edhe me hoxhallarët e Therandës nëse i referohemi këngës, Enver Hoxhaj e mbrehu shtatën - taksën 100 %) që ia

futën taksën 100 % për mallrat nga Serbia e Malli Sllobës dhe Srpska Krajina e Dodigut. Thuaja u bë kiameti dhe pas kësaj filluan presionet e mëdha ndaj Qeverisë së Kosovës dhe Ramush Haradinajt ta heqë këtë taksë. Më të zëshmit ishin lobistët e Serbisë në BE, Frederika Mogerini dhe Johannes Han. Vuçiçi, i dalë nga sperma politike dhe shoviniste e Sheshelit, tërë ditën rri me mindilë në dorë para të huajve duke u ankuar se serbët në Kosovë dhe aleatët e tyre si puna e disa tajkunëve kosovarë që flasin shqip, po vdesin urie dhe nga sëmundjet për shkak të mungesave të barërave. Donald Tramp, presidenti amerikan, shok i ngushtë i Behgjet Pacollit, mentorit politik dhe sidomos ekonomik i presidentit Thaçi, i dërgoi një letër Hashim Thaçit e cila, sipas meje, është shumë e keqe dhe shumë e dëmshme për Kosovën dhe shumë e mirë dhe shumë e dobishme për Serbinë. Dje e dëgjova përmes Radio Dukagjinit një pjesë të letrës apo përgjigjes që ia kishin dërguar presidentit Tramp. Nga ajo pak që e dëgjova, fitova përshtypjen, dhe jo vetëm përshtypje, por një siguri të madhe, se atë përgjigje e kishte dërguar Aleksandar Vuçiçi, presidenti çetnik i Serbisë. Më vonë e dëgjova përsëri leximin e kësaj letre dhe u ndala te një fjalë që, përveç Hashim Thaçit dhe Papë Françeskut, nuk e kupton askush, fjalën celebrim. Realisht, nga aspekti i rimësi disi edhe përputhet por, Hashim dhe celebrim nuk shkon nga perspektiva euroatlantike. Pastaj, pata mundësinë ta lexoj letrën në tërësi dhe 100 % jam i sigurt se nuk e ka shkruar presidenti Thaçi atë letër. Ajo letër është krejtësisht pakurrizore, me fleksibilitet deri në lëvyrje. Prandaj, duke e njohur presidentin Thaçi si personalitet me integritet të lartë njerëzor, kombëtar, moral dhe politik, ai, kurrë dhe në asnjë rrethanë nuk do ta shkruante atë letër. Mund të jetë firma e presidentit Thaçi, mirëpo nënshkrimi edhe mund të klonohet. Kurrë Hashim Thaçi nuk do ta shkruante këtë letër! Madje, po të mos përmendej në atë letër Kosova, titulli i presidentit dhe disa gjëra identifikuese, kisha menduar se kjo letër është dërguar nga ato që më parë i kanë ofruar shërbime orale dhe gjeostrategjike presidentit Tramp dhe faturat, në kesh i ka

paguar avokati i Trampit. Jo, jo, Hashimi nuk lëshohet në këso lojëra ani pse e ka një kotillë politike shoqëruese dhe shërbyese të përbërë nga prostitutat politike dhe morale! Po të mos e lexoja këtë letër prostituimi, nuk do t'u besoja veshëve për faktin se dëgjimin ma kanë marrë, si trofe, paraardhësit biologjikë, politikë, kombëtarë dhe njerëzorë të disa këshilltarëve të Hashimit, Kadrisë, Ramushit dhe bartësve të pozitave të larta të tjera, në burgjet dhe llogoret e Sarajevës, Foçës, Mostarit, Zagrebit, Rijekës, Lepogllavës, Gospiqit, Stara Gradishkës, Sllavonska Pozhegës dhe qendrave të tjera "rehabilituese" ku shëroheshin dhe trajtoheshin armiqtë e Jugosllavisë dhe bashkim-vëllazërimit apo shqiptarët, si puna ime. Po deklarohem publikisht se edhe me mend nuk jam fort mirë, prandaj nuk marrë përgjegjësi për shkrimet e mia. Jam fare i papërgjegjshëm, para ligjit, robit dhe Zotit! Prandaj, kurrë nuk bëra karrierë politike, nuk më bënë deputet, ministër apo zëvendësministër e lëre më ambasador ose kryetar i ndonjë bordi. Një herë më pyetën nëse do të pranoja të bëhem shef, SHEF, i ndërrimit të trenave në Fushë-Kosovë dhe, pasi, me përlësi pranova, më kërkuan kualifikimin shkollor dhe profesional dhe kur iu tregova se statusi im shkollor është shkollë e mesme e përfunduar dhe student i përgjeshëm, gati se nuk më futën në një tren që udhëtonte për Mitrovicën e Goran Rakiqit. Nuk e ulim thanë nivelin sepse, filan komandanti ka mbaruar magjistraturën për menaxhim të biznesit, tjetri është doktor i marrëdhënieve ndërkombëtare, Shkurta, ani pse është dashnore e Llullës, e ka përfunduar fakultetin e shkathtësive orale me notën mesatare 10.23. Definitivisht, jam i pafat, e pranoj!

A të hiqet taksë a po rrezohet kasta: Ashtu siç e kam idol Behgjet Pacollin për patriotizëm, Dardan Gashin për ndershmëri, pas vdekjes së Hajdar Shtimes, idol dhe ideal për guxim e kam Enver Hoxhaj. Sidomos kur u bë publik fakti se ai, e jo Ramush Haradinaj, ishte baba i taksës 100 % për mallrat nga Serbia dhe Bosnja. Me këtë krenohet, me shumë të drejtë, vetë Enveri, partia Kosova dhe krejt shqiptaria. Enveri shkoi edhe më tej, tha se kemi edhe masa të tjera ndaj Serbisë. Me Enverin krenohet edhe kryetari

i partisë, zoti Veseli, presidenti Hashim Thaçi dhe krejt PDK-ja, me degë, nëndegë, arterie, kapilare, granim, burrim, të rinj, fëmijë, faqezi dhe axhami. Madje, më kanë thënë, por nuk e kam dëgjuar me veshët e mi, se para çdo takimi të rëndësishëm të PDK-së, e sidomos Grupit Parlamentar, në vend të himnit kosovar të kompozitores së talentuar dhe të mirënjohur Tina Kajdanov, ose atij kombëtar që dëgjohej shumë rrallë, thuaja u përditësua himni i ri i PDK-së, kënga: "Enver Hoxhaj, o, e mbrehu shtatën, edhe një herë o për situatën..." Po kjo këngë mbeti në top lista derisa ambasadori amerikan në Prishtinë nuk e solli një këngë tjetër në zyrat e shokut Enver! Kjo kënga e ambasadorit amerikan nuk ishte tamam këngë argëtuese apo Odë Trimërie, por një marsh funebër për taksën 100 % të shokut Enver! Partia e shokut Enver e ka bërë gati ekipin përgatitor për varrimin e taksës 100 % e me këtë edhe varrimin politik të Ramushit. Me një fjalë, u bë puna skllotë, në mos edhe më keq! Kur shoku Enver e mbronte të drejtën e autorit për taksën 100 %, para se ta hapte gojën, është dashur ta rrudhte apo ta mbyllte prapancën dhe, në këtë rast, po të vepronte kështu, nuk do të vinte në situatë që është sot, e ka mbyllë krejtësisht gojën ndërsa e ka hapur krejtësisht prapancën! Po çka nëse bie qeveria dhe shkohet në zgjedhje: Nëse taksë pezullohet për 120 ditë, nuk ka nevojë të kthehet kurrë më. Pas kësaj që po ndodh, edhe nëse në Kosovë hyjnë mallrat nga Serbia, duhet të jeni pa asnjë skrupull moral dhe ndjeshmëri njerëzore nëse i blini ato mallra. Nëse Serbia e kushtëzon vazhdimin e bisedimeve me heqjen e taksës 100 % dhe ky kushtëzim pranohet nga bashkësia ndërkombëtare atëherë Ramush Haradinaj duhet menjëherë ta heqë taksën 100 % dhe vazhdimin e bisedimeve ta kushtëzojë me ndriçimin e fatit të personave të pagjetur. Nuk besoj se bashkësia ndërkombëtare e kundërshton këtë kushtëzim aq më parë që në mesin e të zhdukurve ka, përveç shqiptarëve që janë shumicë, edhe serbë, romë, boshnjakë etj. Ose nuk duhet të ketë kushtëzime fare, ose kushtëzimet duhet të vlejnjë për të dyja palët: shqiptare dhe serbe!

(Vijon)

SBASHK-u: Koeficientet janë të papranueshëm, greva vazhdon



PRISHTINË, 30 JANAR (ER) - Këshilli Drejtues i Sindikatës së Bashkuar të Arsimit, Shkencës dhe Kulturës (SBASHK), në takimin e jashtëzakonshëm të së mërkurës, ka marrë vendim për vazhdimin e grevës, duke i konsideruar të papranueshëm koeficientet për sistemin e arsimit në Projektligjin për paga. "Koeficientet e aprovuar nga Komisioni për Administratë Publike, Qeverisje Lokale dhe Media janë pothuajse të ngjashëm me ofertën e kryeministrit dhe, përveçse

nuk kanë plotësuar kërkesat e punëtorëve arsimorë në Kosovë, këta koeficientë, përveç dallimeve të mëdha me sektorë të tjerë, kanë të meta të mëdha edhe brendapërbrenda tërë sistemit arsimor. Në veçanti, kritikë e madhe iu dha koeficientit për drejtor dhe zëvendës drejtor për të gjitha institucionet arsimore, por edhe koeficienteve të tjerë. Duke analizuar gjithë këto, Këshilli Drejtues, së bashku me kryetarët e sindikatave komunale të arsimit parauniversitar

dhe ata të universiteteve, vendosën njëzëri që t'i shpallin të papranueshëm për punonjësit e arsimit këta koeficientë dhe të vazhdohet greva edhe në ditët në vijim", është thënë në komunikatën e SBASHK-ut. Po ashtu, Këshilli Drejtues i SBASHK-ut ka kërkuar nga kryeministri Ramush Haradinaj, ministri Mahir Jaghillar dhe ministri Shyqiri Bytyqi, që të tërhiqet Projektligji për paga në mënyrë që ky projektligj të rishikohet në një situatë të re dhe pa tensione.

Tahiri: Projektligji për paga dëmton dhe degradon sundimin e ligjit në Kosovë



Ministri i Drejtësisë, Abelard Tahiri, ka thënë se parametrat rregullativë të vendosur në Projektligjin për paga kanë prekur dhe degraduar pagat e gjyqtarëve dhe prokurorëve duke tjetërsuar konceptin e pavarësisë së sistemit gjyqësor si pushtet i tretë. Ai ka shprehur mospajtime me propozimet e dhëna në këtë projektligj, të cilat, sipas Tahirit, cenojnë pavarësinë e gjyqësorit

shprehur dhe shpreh mospajtimin tim të plotë me propozimet e dhëna në projektligj, të cilat cenojnë pavarësinë e gjyqësorit", është shprehur ministri Tahiri.

Ai ka thënë se Kushtetuta e Republikës së Kosovës ka paraparë gjyqësor të pavarur, të pandikuar nga politika në asnjë mënyrë dhe pavarësia financiare është thelbësore për profesionalizimin e mëtejshëm të këtij sektori.

Po ashtu, Tahiri ka bërë me dije se do të kërkojë që të përfillet kërkesa e Ministrisë së Drejtësisë që pagat të rriten për stafin civil

të punësuar në gjykata dhe prokurori. "Do të kërkoj edhe një herë nga komisionet e Kuvendit që të shqyrtojnë me kujdes mënyrën se si trajtojnë gjyqësorin, meqenëse kjo është jetike për funksionimin e demokracisë sonë. Pres që në ditët në vijim, deputetët të reflektojnë dhe të mundësojnë avancimin e reformave të ndërmarra në vitin e fundit, për të krijuar një ambient pune të përshtatshëm për gjykatësit dhe profesionistët e tjerë dhe për të mundësuar që ky sistem të jetë i besueshëm për qytetarët e vendit", ka theksuar ministri Tahiri.

EPOKA
ERE **Faton DERMAKU**

PRISHTINË, 30 JANAR - Ministri i Drejtësisë, Abelard Tahiri, të mërkurën ka reaguar ndaj ndryshimit dhe plotësimit të Projektligjit për paga që, sipas tij, rrezikon pavarësinë e sistemit gjyqësor në vend. Ai ka

thënë se Republika e Kosovës është duke bërë përpjekje për të vendosur një formulë mbi sistemin e pagave dhe kjo është më se e nevojshme por, sipas Tahirit, drejtimi që kanë marrë disa elemente rregullative të parapara me Projektligjin për paga janë në shpërputhje me vlerat e një demokracie në të

cilën pushtetet janë të ndara dhe të barabarta. "Jam tejet i shqetësuar me faktin se parametrat rregullativë të vendosur në këtë projektligj kanë prekur dhe degraduar pagat e gjyqtarëve dhe prokurorëve, duke tjetërsuar konceptin e pavarësisë së sistemit gjyqësor si pushtet i tretë dhe i pavarur. Kam

Limaj: Marrëveshja me Serbinë duhet të sjellë paqe dhe perspektivë për dy vendet

PRISHTINË, 30 JANAR (ER) - Zëvendëskryeministri, njëherësh bashkëdrejtues i delegacionit të Kosovës për bisedime me Serbinë, Fatmir Limaj, ka pritur të mërkurën në takim drejtorin për Ballkan në Ministrinë e Jashtme të Gjermanisë, Christian Helbach, dhe ambasadorin e Gjermanisë në Kosovë, Christian Heldt. Në këtë takim është diskutuar për zhvillimet e tanishme, me

theks të veçantë dialogun Kosovë - Serbi. Bashkëkryesuesi i delegacionit shtetëror e ka informuar zyrtarin gjerman për punën e këtij delegacioni si dhe platformën për dialog me Serbinë. Limaj ka thënë se kjo platformë do ta paraqesë zërin unik të Kosovës dhe do ta reflektojë vizionin dhe pozicionin zyrtar të vendit në bisedimet me Serbinë. "Ishte konkludim i përbashkët që

marrëveshja gjithëpërfshirëse për normalizimin e marrëdhënieve në mes të Kosovës dhe Serbisë duhet të sjellë paqe dhe stabilitet në këtë pjesë të rajonit dhe të hapë perspektivë evropiane për të dy vendet", ka thënë Limaj, duke e falënderuar Helbachin dhe ambasadorin Heldt për ndihmën e vazhdueshme që shteti gjerman ka dhënë për Kosovën në të gjitha etapet.





Rritet numri i pasagjerëve që shfrytëzojnë trenin dhe aeroplanin

PRISHTINË, 30 JANAR (ER) - Agjencia e Statistikave të Kosovës (ASK) ka publikuar "Statistikat e Transportit dhe Telekomunikimit" për TM4 2018, me të dhëna mbi transportin ajror, hekurudhor, rrugor dhe telekomunikimin. Sipas ASK-së, në territorin e Kosovës janë gjithsej 333 kilometra binarë hekurudhorë për transport. Në tremujorin e katërt të vitit

2018, numri i pasagjerëve që kanë shfrytëzuar trenin si mjet udhëtimi ishte 33 000. "Ndërsa, krahasuar me tremujorin e njëjtë të vitit të kaluar (TM4 2017), numri i udhëtarëve është rritur për 31.68 për qind. Transporti i mallrave me tren në tremujorin e katërt (TM4 2018) ishte 213 mijë tonë, krahasuar me periudhën e njëjtë të vitit të kaluar (TM4 2017), ku ka rritje për 11.19 për

qind", është thënë në raportin e ASK-së.

Kurse sa i përket numrit të fluturimeve në tremujorin e katërt të vitit 2018 janë realizuar 1 862 fluturime ose 13.12 për qind më shumë se në tremujorin e njëjtë të vitit të kaluar (TM4 2017). "Kurse, numri i udhëtarëve që kanë shfrytëzuar aeroplanin si mjet transporti gjatë këtij tremujori ishte rreth 500 000, në raport

me tremujorin e njëjtë të vitit të kaluar (TM4 2017), ku ka një rritje për 19.63 për qind. Në vitin 2018, në Kosovë janë të regjistruara 343 631 mjete motorike dhe jomotorike në raport me vitin 2017, ka një rritje për 2.75 për qind", thuhet në raportin e ASK-së.

Sipas të dhënave të prezantuara, në vitin 2018 në territorin e Kosovës ka 2 074.7 kilometra

rrugë, ku në kategorinë e rrugëve autoudhë ishin 6 për qind, rrugë nacionale 31 për qind, ndërsa 63 për qind janë rrugë rajonale. "Bazuar në kërkesën e Eurostatit, duke filluar nga tremujori i dytë i vitit 2018 (TM2 2018), publikimi ka pësuar disa ndryshime në pjesën e telekomunikimit, duke përfshirë të dhënat edhe nga operatorë të tjerë", është thënë në raportin e ASK-së.

Numri i bizneseve në Kosovë shënon rritje

PRISHTINË, 30 JANAR (ER) - Agjencia e Statistikave të Kosovës (ASK) ka publikuar repertorin statistikor mbi ndërmarrjet ekonomike në Kosovë për tremujorin e katërt të vitit 2018 (TM4 2018). Sipas ASK-së, në tremujorin e katërt (TM4) janë regjistruar gjithsej 2 401 ndërmarrje, ku vërehet rritje për 8.5 për qind krahasuar me tremujorin paraprak (TM3 2018). "Ndërkaq, krahasuar TM4 2018 me tremujorin e njëjtë të vitit paraprak (TM4 2017), ka pasur rritje për 25 për qind të ndërmarrjeve të regjistruara. Po ashtu, krahasuar me vitin 2017, në vitin 2018 ka pasur rritje për 6.3 për qind të ndërmarrjeve të regjistruara", është thënë në raportin e ASK-së. Sipas ASK-së, aktivitetet ekonomike më të preferuara gjatë këtij tremujori ishin: tregtia me 561 ndërmarrje të regjistruara (23.4 për qind); prodhimi me 280 ndërmarrje të regjistruara (11.7 për qind); ako-



modim dhe aktivitete të shërbimeve me ushqim me 252 ndërmarrje të regjistruara (10.5 për qind); ndërtimtaria me 244 ndërmarrje të regjistruara (10.2 për qind); aktivitetet profesionale,

shkencore dhe teknike me 212 ndërmarrje të regjistruara (8.8 për qind); bujqësi, pylltari dhe peshkataria me 156 ndërmarrje të regjistruara (6.5 për qind); ndërsa aktivitetet e tjera marrin pjesë në

shkallë më të vogël. "Në kategorinë me 1 deri në 4 të punësuar janë gjithsej 2 318 ndërmarrje të regjistruara në këtë tremujor (96.5 për qind); me 5 deri 9 të punësuar janë 58 ndërmarrje të

regjistruara (2.4 për qind); 10 deri në 19 të punësuar 19 ndërmarrje të regjistruara (0.8 për qind); 20 deri 249 të punësuar me 6 ndërmarrje të regjistruara (0.2 për qind); ndërsa në kategorinë me 250 e më shumë të punësuar nuk ka asnjë ndërmarrje të regjistruar gjatë këtij tremujori", thuhet në raportin e ASK-së.

Sipas këtij raporti, sa i përket shtrirjes gjeografike të ndërmarrjeve të regjistruara në nivel të komunave, ashtu si në çdo tremujor, mbizotëron Komuna e Prishtinës me 766 ndërmarrje të regjistruara (31.9 për qind); Prizreni me 212 ndërmarrje të regjistruara (8.8 për qind); Ferizaj me 188 ndërmarrje të regjistruara (7.8 për qind); Peja me 124 ndërmarrje të regjistruara (5.2 për qind); Gjlani me 109 ndërmarrje të regjistruara (4.5 për qind); ndërsa komunat e tjera kanë numër më të vogël të ndërmarrjeve të regjistruara në këtë tremujor.

Më 2 shkurt seanca për buxhetin

Kryesia e Kuvendit të Kosovës ka vendosur që më 2 shkurt të mbahet seanca për shqyrtimin e miratimit të Projektbuxheti të Kosovës për vitin 2019. Kryetari i Kuvendit, Kadri Veseli, ka thënë se kjo seancë do të ketë nëntë pika të rendit të ditës. Ndërkaq shefi i grupit parlamentar i Partisë Socialdemokrate (PSD), Dardan Sejdiu, shpreson se deri më 2 shkurt do të plotësohen kushtet e kësaj partie për votimin e buxhetit

hetore është Projektligji për paga dhe dy projektligje të tjera që lidhen me temën e pagave. Besoj se më 2 shkurt edhe kushtet e PSD-së do të plotësohen", ka thënë Sejdiu pas mbledhjes së Kryesisë së Kuvendit.

Sa i përket shkarkimit të ministrit të Bujqësisë, Nenad Rikallo, Sejdiu ka thënë se dita e

shtunë nuk është larg. "Ne i kemi bërë publike kushtet. Sot është votuar për datën e mbajtjes së mbledhjes. Ka arsye që ndërliken edhe me kushtet. Unë po besoj se dita e shtunë nuk është larg", është shprehur Sejdiu.

Kryesia e Kuvendit kishte paralajmëruar më herët se Projektligji për buxhetin e këtij

viti do të votohej më 31 janar. Kosova ka hyrë në vitin 2019 pa buxhetin e miratuar nga Kuvendi. Nga 2.3 miliardë euro sa parashihet buxheti i Kosovës për këtë vit, shpenzimet për kategorinë paga dhe mëditje është paraparë të jenë 616 milionë euro, kurse rreth 770 milionë euro të tjera do të ndahen për investime kapitale.

EPOKA
ERE **Albulena S. MAVRAJ**

PRISHTINË, 30 JANAR - Kryesia e Kuvendit të Kosovës ka marrë vendim të mërkurën që më 2 shkurt të mbahet seanca e Kuvendit të Kosovës në të cilën do të votohet projektbuxheti për këtë vit. Pas mbledhjes së kryesisë, kryeparlamentari Kadri Veseli ka thënë se kjo seancë do të ketë nëntë pika të rendit të ditës. "Seanca ka të bëjë me buxhetin e Republikës së Kosovës, në mënyrë që qytetarët, punonjësit e sektorit pub-

lik dhe të gjithë sektorët e investimeve, të funksionojnë në Republikën e Kosovës", ka deklaruar ai.

Së bashku me projektbuxhetin në seancë do të shqyrtohet për miratim edhe Projektligji për pagat. Shefi i grupit parlamentar i Partisë Socialdemokrate (PSD), Dardan Sejdiu, shpreson se deri më 2 shkurt do të plotësohen kushtet e kësaj partie për votimin e buxhetit. "Seanca për Projektligjin për ndarjet buxhetore mbahet më 2 shkurt. Në rend të ditës, para votës për Projektligjin për ndarjet bu-

Hamza: Nëse buxheti s'kalon, asnjë pagesë për muajin shkurt nuk mund të bëhet

Ministri i Financave, Bedri Hamza, ka thënë se nëse nuk kalon buxheti, në fund të muajit shkurt nuk mund të bëhet asnjë pagesë, përveç të paguhen borxhe. Ministri Hamza beson se do të jenë numrat për votimin e buxhetit.

"Në situatën hipotetike, nëse buxheti nuk aprovohet, atëherë asnjë pagesë për muajin shkurt nuk mund të ndodhë, përveç pagesave për borxhin. Mirëpo, besoj në racionalitetin dhe arsyeshmërinë e deputetëve që ta votojmë buxhetin dhe shteti

të funksionojë", ka thënë Hamza para gazetarëve. Ai ka thënë se janë plotësuar kushtet ligjore që buxheti të kalojë në Kuvend. "Dëshiroj të besoj se buxheti do të kalojë. Janë kryer të gjitha procedurat", ka deklaruar ministri Hamza.



Lekaj kërkon kontributin e qytetarëve të Pejës dhe të Istogut për autostradën e Dukagjinit

PEJË, 30 JANAR (ER) - Ministri i Infrastruktursë dhe Transportit, Pal Lekaj, të mërkurën mori pjesë në dëgjimet publike me qytetarët e Pejës dhe të Istogut për autostradën e Dukagjinit. Duke i inkurajuar qytetarët që t'i japin komentet dhe sugjerimet e tyre për këtë projekt të rëndësishëm madhe për zhvillimin e

Dukagjinit, ministri Lekaj ka thënë se ky projekt do të ndikojë dukshëm në lëvizjen e lirë të mallrave e qytetarëve dhe zhvillimin ekonomik të Dukagjinit. Ai ka shtuar se Peja dhe Istogu përfitojnë shumë nga qasja në këtë autostradë, e cila i lidhë ato dhe Kosovën me korridoret pan-

evropiane.

Qytetarët e të dy komunave, ata të Pejës dhe të Istogut, vlerësuan lart nismën për një investim kaq të madh e të munguar deri më tani në Dukagjin, kurse me anë të një pjesëmarrjeje aktive dhanë kontributin e tyre të çmuar në këto debate për autostradën e Dukagjinit.



Sot mbahet akademike përkujtimore për Haradin Balën

DRENAS, 30 JANAR (ER) - Me rastin e njëvjetorit të vdekjes së veteranit të UÇK-së, Haradin Bala, organizatat e dala nga lufta e UÇK-së degët në Drenas, sot (e

enjte) organizon homazhe prej orës 10:00-11:00 në Kleçkë, ndërsa në orën 13:00 në sallën e kulturës në Drenas do të mbahet akademi përkujtimore.



Rruga kombëtare N2 Kaçanik-Hani i Elezit, e lirë për qarkullim

KAÇANIK, 30 JANAR (ER) - Ministria e Infrastrukturës dhe Transportit ka njoftuar të mërkurën se pas rrëshqitjes së dheut në rrugën kombëtare N2 Kaçanik - Hani i Elezit, rruga tanimë është tërësisht e lirë për qarkullim. "Me angazhimin e kompanisë kon-

traktuese nga MIT-ja për mirëmbajtje në këtë pjesë të rrugës, është bërë pastrimi i saj dhe që nga ora 09:00 e mëngjesit, qarkullimi i automjeteve në këtë pjesë i është kthyer normalitetit", është thënë në njoftimin e Ministrisë së Infrastrukturës dhe Transportit.



Luan Hoti zgjedhet drejtor i 'Stacionit të Autobusëve'

PRISHTINË, 30 JANAR (ER) - Luan Hoti është zgjedhur kryeshefi i ri të NPL "Stacioni i Autobusëve" në Prishtinë. Bordi i kësaj ndërmarrje dhe përfaqësuesit e Ambasadës së Mbretërisë së Bashkuar vlerësuan se i tërë procesi ka qenë i organizuar shumë mirë, me transparencë

të plotë dhe janë përzgjedhur më të mirët. Edhe paneli vlerësues, edhe përfaqësuesit e Ambasadës, kanë radhitur njësoj kandidatët që janë intervistuar. Si rrjedhojë, në fund të këtij procesi më së shumti pikë mori kandidati Luan Hoti.



Kryeministri pajton dy familje në Junik

JUNIK, 30 JANAR (ER) - Kryeministri i Kosovës, Ramush Haradinaj, ka qenë i pranishëm të mërkurën në ceremoninë e pajtimit të familjeve Knushi dhe Shehu në Junik. Ai ka bërë me dije se këto familje i kanë dhënë fund armiqësi në 22-vjetorin e rënies së heronjve të kombit Zahir Pajaziti,

Edmond Hoxha e Hakif Zejnullahu. "Shqiptari e njeh kodin e faljes si virtut dhe kjo ishte dhe mbeti fuqia e tij. Sot isha dëshmitar i një veprë fisnike shqiptare në Junik. Në nderim të 22-vjetorit të rënies së heronjve të Kombit Zahir Pajaziti, Edmond Hoxha e Hakif Zejnullahu dhe si shenjë

e unitetit tonë, Bashkim Knushi i zgjati dorën e pajtimit familjes së Ahmet Shehut duke i dhënë fund armiqësisë, si një plagë jona që duhet mbyllur përfundimisht, duke ia besuar ligjit lirinë. Familjet Knushi e Shehu, qofshin faqebardhë!", ka shkruar Haradinaj në llogarinë e vet në "Facebook".

Përkujtohet masakra e Malishevës

MALISHEVË, 30 JANAR (ER) - Me rastin e 29-vjetorit të masakrës së Malishevës, të mërkurën janë bërë homazhe në vendin e rënies, përkatësisht në pllakën e ngritur për dy të vrarët, Ali Kryeziu dhe Hysni Mazreku, si dhe janë bërë homazhe në varrezat e tyre në Malishevë dhe Bubavec.

Homazhe kanë bërë kryetari i Komunës së Malishevës, Ragip Begaj, i shoqëruar nga kabineti qeveritar komunal, kryesuesi i KK të Malishevës, Rrahim Morina, i shoqëruar edhe nga anëtarë të kuvendit, ish-drejtuessit e komunës në vitin 1990. Më 30 janar të vitit 1990, një ditë

pas protestës së madhe në Malishevë, forcat policore kanë shtënë mbi popullatën e Malishevës, ku janë vrarë Ali Kryeziu dhe Hysni Mazreku, ndërsa janë plagosur dhjetëra të tjerë në Malishevë dhe në katër drejtimit, në hyrje dhe dalje të Malishevës.

Ngjarja e 30 janarit të vitit 1990 është një prej ngjarjeve që shënon edhe kthesë të madhe në institucionet e asaj kohe, pasi për herë të parë është bërë një reagim dhe kundërshtim nga ana e institucioneve lidhur me vrasjen e qytetarëve të pafajshëm nga regjimi. Krahas reagimit nga niveli

komunal, është reaguar ashpër edhe në Kuvendin e Krahinës Autonome të Kosovës, nga përfaqësuesit e Komunës së Malishevës e, që më vonë, është bërë edhe suprimimi i statutit të Komunës së Malishevës dhe fshatrat e Malishevës janë shpërndarë në katër komuna. Po ashtu, kjo ngjarje, krahas reagimit institucional, kishte bërë jehonë edhe në arenën ndërkombëtare dhe të gjitha televizionet dhe agjencitë e lajmeve në tërë botën, kishin njoftuar për këtë ngjarje dhe për reagimin e institucionit të Komunës së Malishevës.



Defaktorizimi i Kosovës shqiptare, interes vetëm i Serbisë (2)

Shpallja e Pavarësisë



Xhevat BISLIMI

Politikanët e pamend dhe injorantë, të shndërruar në inatçorë, grindavecë e lakmtarë, u bënë kërcënim për lirinë e fituar me aq mund, djersë, gjak dhe fljime! Ta linin përshtypjen se mendja u punonte vetëm për atë copë pushtet që u lëshonte UNMIK-u dhe për pasuri e lavdi! Nga politikanë e luftëtarë u kthyen në uzurpatorë e grabitqarë të pushtetit, pasurisë, lavdisë e lirisë që ishin fituar me përpjekjet e gjakut e mbarë një kombi! Politikanët e vjetër e të rinj (për të vjetrit s'ishte çudi) me zotërinjtë-pushtetarët "ndërkombëtarë" silleshin si pula të lagura, kurse me popullin e tyre si "luanë"! Nuk patën ide dhe as u shkonte mendja të bënin projekte e plane për pavarësimin dhe shkëputjen e plotë të Kosovës nga Serbia dhe as për riorganizimin dhe rishtrukturimin e një shoqërie dhe të një sistemi të rrënuar nga pushtimi e lufta me tendenca shfarosëse! Çdo gjë e donin për vete dhe për familjet, fafësin e tarafet e tyre! Nuk u shkonte nëpër mend se mijëra luftëtarë kishin mbetur keq; të papunë, të pastrehë e pa shkollim-kualifikimin e duhur! Varfëria dhe korrupsioni po rriteshin. Shëndetësia, arsimit, drejtësia, siguria nuk po përmirësoheshin! Pasuria kombëtare dhe ajo pak ekonomi që kishte shpëtuar nga shkatërrimet e Serbisë po vidheshin, po kontrabandoheshin e po kollofiteshin me ligj e pa ligj me shpikjen e quajtur: AKM (Agjencia Kosovare e Mirëbesimit) dhe me rrugë e mënyra tjera ilegale! Kosova dhe pasuritë e saj po trajtoheshin si plaçkë lufte! Shpresa e popullit shqiptar po vritej përditë! Presioni për "bosnjëzimin" e Kosovës shqiptare dhe për lidhjen e saj me njëmijënjë fije me Serbinë po rritej! Presion i paparë për rikthimin e kolonëve serbë në Kosovë, nga njëra anë, dhe ilje në rritje e shqiptarëve nga Kosova, në anën tjetër! Për kthimin e shqiptarëve të shpërngulur as që bëhej fjalë! Po iknin nga vatra dhe vendi i tyre ata që ishin kthyer duke rrezikuar jetën nëpër mina! Ndjekja, arrestimi dhe dënimi i luftëtarëve të lirisë po merrte përmasat e gjuetisë së shtrigave, ndërsa politikanët e krahut të luftës, që i ishin bashkuar sundimit të ndërkombëtarëve, deklaronte: "askush mbi ligjin" dhe "ne i besojmë drejtësisë" i kishin kthyer në refren të tyre tuginë!

Në këto kushte shpërtheu revolta e madhe popullore... Shkas u bë

mbytyja e tre fëmijëve në Mitrovicë, por shkaku ishte gjendja e pashpresë për Kosovën. Këtu mori kthesën e vogël Kosova. Prania ndërkombëtare dhe qendrat ndërkombëtare të vendosjes u bindën përfundimisht se populli shqiptar nuk do të pranonte kurrë të mbetej me Serbinë në cilëndo formë a në cilindo variant. Prandaj, me urgjencë nisën bisedimet në Vjenë për statusin e Kosovës. Kuptohet që ndikimi amerikan ishte vendimtar. Por, projekti për "bosnjëzimin" e Kosovës sonë kishte bërë hapa para në terren në emër të "multietnicitetit" e me qëllim të deshqiptarizimit të Kosovës! Edhe seleksionimi dhe përpunimi i njerëzve të krahut të luftës dhe "piketimi" i tyre për bisedime ishte bërë... Kuptohet më të bindurit, me të pafatit dhe më të nënshtruarit ishin në "sofrën" e bisedimeve në Vjenë. Kujdes ishte treguar edhe për krahun e kolaborimit. Edhe nga ky krah nga servilët ishin zgjedhur më servilët dhe ata që bindeshin pa kushte... Menjëherë pas takimit të parë njëri nga këta puthadorët e skajshëm deklaroi me "pompozitet" se "Serbisë ia bëmë tetë me dy"! I njëjti tha edhe se "ne do të jemi generozë me Serbinë dhe kërkesat e saj"! Tjetri thoshte dhe përsëriste si papagall se "po japim të dhimbshmen për ta marrë të këndshmen", etj. Kjo ishte "platforma" e grupit mjeran negociator, kjo ishte filozofia e kjo ishte logjika e negociimit me Serbinë! Ky grup mjaftohej me emrin "pavarësi", sikur të ishin të gjithë pjellë e LDK-së, që edhe në kohën e pushtimit dhe të luftës ushqente e përhapte iluzione se Kosova ishte shtet i pavarur! Me këtë ekip negociatorësh askush nuk priste rezultate tjera: një Kosovë e pavarur, por e "bosnjëzuar" territorialisht, me një kushtetutë e sistem politik të dyzuar e të kushtëzuar nga pakica serbe (5%) - Serbia, me një Mitrovicë të ndarë në dy komuna (!), me një Veri të kontrolluar nga Serbia, me një sovranitet të dyfishtë, etj.. Për ironi Kosovës edhe flamuri shtetëror i imponua me ngjyrat e Bosnjës! Me këto "zgjidhje" e kushte të rënda Kosova shqiptare u shpallë më 17 shkurt 2008, me shumë vite vonesë, "shtet i pavarur, demokratik e sovran"!

Republika e Kosovës dhe pozita e saj ndërkombëtare

Plani i Ahtisarit për Kosovën, i pranuar krahëhapur nga klasa politike e Prishtinës, nuk u pranua, siç edhe pritej, nga Serbia. Ky plan nuk kaloi as në Këshillin e Sigurimit të OKB-së. Ky dokument, që rekomandonte super të drejta për pakicën serbe dhe për trashëgimin kulturore e historike "serbe" nuk u bë dokument ndërkombëtar. Për pasojë, ky

dokument, Plani i Ahtisarit, nuk e obligonte Kosovën ta zbatonte atë, sidomos në pikat ku dëmtohej rëndë substanca e Pavarësisë dhe sovranitetit të Kosovës... Lëshimet e mëdha që kishte bërë grupi negociator i Kosovës ia kishin rritur oreksin Serbisë, e cila mbështetej hapur nga Rusia, edhe nga Kina. UNMIK-u i dalur boje u reduktua në një prani simbolike. Një pjesë e mirë e tij u transformua në EULEX, që ishte misioni dhe dështimi më i madh i Bashkimit Evropian! Në intervistën e datës 14 qershor 2018 për Radion Dojçe Vele, Andrea Lorenzo Capussela, që ishte shef i kontrollit ndërkombëtar në Kosovë, ndërmjet tjerash deklaronte: "Po t'i shohësh ato për vitet para se të shkonte EULEX-i në Kosovë dhe më pas, atëherë sheh se shteti i së drejtës ka ngecur në vend, efektiviteti nuk rritet dhe kontrolli i korrupsionit është keqësuar. Ndërkohë që për të njëjtat periudha në shtete të tjera të Ballkanit shteti i së drejtës është përmirësuar pak po ashtu si edhe kontrolli mbi korrupsionin. Një paradoks, sepse BE-ja harxhoi 1,5 miliard dollarë për EULEX-in, misionin më të madh civil të organizuar ndonjëherë nga BE".

Po provohej (eksperimentohej) në Kosovë! Në fakt, EULEX-i ishte vazhdimësi e UNMIK-ut. Aty ku e la projektin UNMIK-u do të duhej, "me energji e forca të reja", ta vazhdonte misionin e BE-së! U vendosë edhe mbikëqyrja ndërkombëtare për "pavarësinë me kusht të Kosovës"! Vetëm aktorët e bisedimeve në Vjenë (grupi negociator) nuk ndryshoi pozitë! Përveç Ibrahim Rugovës, që kishte vdekur pa u shpallur pavarësia e Kosovës, të tjerët qëndruan të palëkundur, me gjithë dështimet e tyre, në krye të politikës së Kosovës, tash shtetit të Kosovës! Madje, paraqiteshin e silleshin edhe më të fuqishëm e vetëbesues! Tamam si etër (baballarë) të pavarësisë e të shtetit!

Për njerëzit që kuptonin diçka nga jeta e nga politika ishte e qartë se ky grupim politikaneësh (kolaboratorë e "patriotë" të djeshëm) do ta hanin edhe pavarësinë e lirinë e kushtëzuar... Kurse, ata që besonin verbërisht në "udhëheqësit" e tyre besonin se pavarësia dhe sovraniteti do të bëheshin të plota! Ata besonin se edhe komunat dhe zonat e mbrojtura "serbe" do të zhbëheshin!... Racionalja dhe iracionalja po haheshin e po konfrontoheshin herë me zë e herë nën zë! Pjesë aktive dhe e zellshme e gjithë politikave dhe projekteve antishqiptare për "bosnjëzimin" e Kosovës ishin bërë shumica e medieve të shkruara dhe elektronike në Kosovë e që financoheshin, sponsorizoheshin e merreshin në mbrojtje nga prania ndërkombëtare dhe nga qarqe e qendra tjera jashtë Kosovës!... Në disfavor të një Kosove shqiptare dhe plotësisht të pavarur nga Serbia ishte edhe gjendja kaotike në shtetin tonë AMË, në Republikën e Shqipërisë! Me një

klasë politike kozmopolite, të korruptuar, të shitur e të kriminalizuar sa s'bën më, shteti shqiptar edhe pas një çerek shekulli nuk po e merrte veten! Ekonomia e rrënuar, përçarja politike (ndërpartiake), ndërkrahinore e ndërfaqetare, e financuar, e sponsorizuar dhe e stimuluar nga qeveri, qarqe e shërbime të huaja, po lulëzonte si rrallëherë! "Në këtë tranzicion, shkruante në komentim e saj gazeta elektronike, "Sot News", e datës 25.12.2013, çfarë pamë dhe çfarë realizuam? Pamë se si politika me grykësi të pangopur u turr për pushtet e për pasuri dhe me të famshmen shpërndarje e privatizime të pasurive vodhi, grabiti dhe abuzoi me to dhe me gjakun, mundin dhe djersën e popullit që i kishte krijuar ato; nën maskën e lirisë morën revanshin liritë negative dhe egoizmi negativ i uzurpimeve, kërcënimeve, dhunës e krimin, të trafikimit të qenieve njerëzore, të drogës, bixhozit, të përgjegjshmërisë dhe pandëshkueshmërisë dhe të ligjërit të çdo lloj mjeti për pasurim të shpejtë. Ligji dhe drejtësia u prangosën në letër dhe ligjin e bëri e paligjshmeja, e palejuara dhe drejtësinë e bëri padrejtësia, politika, korrupsioni dhe paraja".

Kundërshtarët dhe armiqtë e kombit shqiptar e kuptonin më mirë se shqiptarët dhe miqtë e tyre se defaktorizimi i Kosovës dhe dobësimi i pozitës së saj bëhej më së miri duke goditur në Tiranë... Ashtu edhe bënë. Që nga viti 1989 nuk e lanë popullin shqiptar në Republikën e Shqipërisë të shikonte një ditë të bardhë! Edhe atje, në Tiranë, në sinkron me Prishtinën, një pjesë e medieve po bënin me përpikëri dhe "profesionalizëm" punën e kundërshtarëve dhe të armiqve të kombit tonë e të çështjes shqiptare!

Në Kosovë që nga viti 1981 (sidomos), kurse në Tiranë që nga viti 1990, krah i fortë i forcave reaktionale dhe antishqiptare u bë edhe kleri fetar (pjesa dërrmuese) që financohej e po financohet e drejtohet edhe sot nga qendra të huaja kryesisht antishqiptare. Një shërbim të veçantë kësaj gjendjeje dhe këtij projekti antishqiptar po i bënte edhe shtesa e të burgosurve politikë dhe luftëtarëve të lirisë me heshtjen ose "pajtimin" në heshtje! Kjo kategori shoqërore e kombëtare, elita e saj, nuk pati guximin politik e intelektual dhe shpirtin e kundërshtimit, aq të domosdoshëm, në partitë ku bënte pjesë, në Kuvend dhe institucione tjera politike e shtetërore!... Projekti për "bosnjëzimin" e Kosovës shqiptare, me ndonjë përjashtim, nuk u kundërshtua as nga intelijencia! Akademia e Shkencave dhe Arteve e Kosovës, e themeluar nga Jugoseria (LKJ-ja) dhe e "përshtatur" me kushtet dhe rrethanat e reja nuk doli asnjëherë nga korniza partiake e LDK-së! Se në ç'gjendje është Akademia tregon edhe raporti i tetorit të vitit 2018, që organizata "Integra" ka

prezantuar para Komisionit Parlamentar për Arsim, pas hulumtimit të bërë në Akademinë e Shkencave... Sipas Kushtrim Koliqit, nga "Integra", "ASHAK-u është në gjumë dhe nuk është llogaridhënës... të gjeturat në këtë hulumtim janë brengosëse dhe neveritëse... kjo akademi ka qenë më produktive në kohën e Millosheviqit se tash. Kur një institucion si Akademia e Shkencave është në këtë gjendje çka presim ne prej institucioneve të tjera", thotë Koliqi. Kurse, autori i këtij hulumtimi, Shkëlzen Gashi, ka thënë se "Akademia nuk ka asnjë projekt të rëndësishëm për vendin. Shumica e librave të botuara nga Akademia janë vetëm ribotime dhe shumica prej tyre vetëm në gjuhën shqipe". Pa koment!

Krijimi i komunave "serbe" në Kosovën shqiptare

Puna e parë, me përparësi e urgjencë, e institucioneve të shtetit të sapo shpallur të Kosovës, që kontrolloheshin qind për qind nga ata që negocuan (pranuan) "bosnjëzimin" e Kosovës, ishte krijimi i komunave "serbe"! E nisën me pesë e i bënë dhjetë! Ka shenja se mund të bëhet edhe ndonjë komunë nga këta që po ia marrin frymën Kosovës shqiptare! Komuna e parë "serbe" u krijua aty ku nuk kishte asnjë problem, në zemër të komunës së Vitisë me miratimin dhe nënshkrimin e një kryetari të mjerë, që ishte dorëzuar para presionit dhe shantazhit të "udhëheqësve" të tij partiakë! Zbatimi i Planit të Ahtisarit po niste në Viti e jo në veri, ku kishte probleme të mëdha në vendosjen e sigurisë, rendit, rregullit, qeverisjes dhe ligjshmërisë e kushtetutshmërisë! Me këmbëngulje e fanatizëm të paparë po zbatoheshin plani i Ahtisarit që nuk ishte pranuar nga Serbia! Dhe atë, po zbatoheshin në territorin që kontrollohej nga qeveria e Kosovës, por jo në Veri! Naivitëti, padituri apo politikanë të korruptuar, të shitur e të shantazhuar?! Krijimi i këtyre komunave "serbe" krijoi avantazhe të mëdha për Serbinë, e cila sa vinte e shtonte fushatën dhe presionin e saj diplomatik, ekonomik, politik e me rrugë tjera kundër Kosovës! Lëshimet e pa fund të Kosovës po e trimëronin Serbinë. Njohjet e Kosovës nga shtetet tjera në njëfarë mënyre ndaluan pas njohjeve të para "euforike"! Shtetësia e Kosovës po sabotoheshin edhe nga brenda! Në krye të Kosovës i erdhi radha të "zgjidhje" kryetar (president) njeriu pro serb e pro rus, B. Pacolli! Ky njeri edhe sot mban postin më të rëndësishëm pas kryeministrit, postin e ministrit të jashtëm! Si ky, por më pak të njohur, janë me shumicë në partitë politike, në institucionet shtetërore, në medie, në arsim, drejtësi, polici, e kudo! Në Kosovë as pas pavarësisë nuk pati drejtësi tranzicionale... Salto mortale!

(Vijon)

Intervistë me veprimtarin e çështjes kombëtare, autorin e librit monografik "Goli Otoku, histori e trishtë e një krimi shtetëror

Në Goli Otok, dënime më të

Unë nuk kam qenë në burgun e Goli Otokut dhe angazhimi im për të shkruar për këtë burg e llogore nuk ka të bëjë asgjë me kujtimet e përjetimet e mia, por ka të bëjë me një përpjekje për të ndriçuar anët e errëta të shtetit jugosllav dhe të sistemit të tij tipik totalitar dhe diktatorial për një periudhë shumë të gjatë kohore. Gjatë kësaj periudhe të diktaturës jugosllave shteti ka bërë një sërë krimesh shtetërore ndaj qytetarëve të vet, një sërë krimesh mbi bazën ideologjike dhe një sërë krimesh mbi bazën etnike, krime këto që kanë mbetur të heshtura, mjeshtërisht të kamufluara para syve të botës, duke u shitur si shtet socialist me fytyrë humane

Intervistoi: Sadik ZEQRIRI

"EPOKA E RE": Ç'dënime u jepeshin atyre që dërgoheshin për vuajtje të dënimit në Goli Otok?

BRAHA: Dënimet për të burgosurit politikë të Goli Otokut kanë qenë tepër të rënda, që me formën, mjetet dhe metodat e përdorura shkojnë paralel, ndërsa në disa segmente edhe ua kalojnë, dënimeve në kampet e përqendrimit të nazistëve, apo në ato të gullagëve sovjetikë. Është e qartë se kampet e këtyre vendeve u kanë shërbyer si modele jugosllavëve. Përveç dënimeve të gjata kohore, atyre gjatë vuajtjes së dënimit u mohohet çdo lloj e drejte. S'kishin të drejtë të ankoheshin për burgosjen pa gjyq e pa gjykim, as për punën e rëndë, as për torturat që ushtroheshin çdo ditë, as për mangësi ushqimi, as për etjen e vazhdueshme, kur uji kufizohej me dy-tri gota në ditë. Të burgosurit shpesh ndëshkoheshin edhe me ndëshkime të tjera, me punë të rëndë shtesë, me shkurtim të gjumit, me shkurtim të sasisë së bukës, që edhe ashtu ishte vetëm 150-200 gramë në ditë, me dënim me qëndrim mbi kibëll, që është një nevojtorë portative në barakë për përdorim natën nga të burgosurit, me qëndrim në diell tërë ditën etj. Dënime të shpeshta bëheshin kur të burgosurin, ose disa prej tyre, i detyronin të kalonin nëpër "shpalir", ndërsa të burgosurit e tjerë, që e përbënin "shpalirin" me dy rreshta, e kishin për detyrë që t'i godisnin sa më shumë dhe pa mëshirë shokun e tyre që kalonte në mesin e dy rreshtave, që mund të ishte i gjatë disa qindra metra. Ata që nuk e godisnin shokun i futnin në "shpalir" për t'u goditur nga të tjerët. Secili nga të burgosurit duhej të kalonte nëpër hetimin special që bëhej nga të burgosurit në dhomë, që dirigjoheshin nga udhëbërës aktivë. Këtë lloj të dënimit nga shokët, që ata të të rrahin deri në alivanosje, dhe hetim prej tyre deri në çmenduri,

nuk e kishin në praktikën e vet as nazistët e as sovjetikët. Dhe të gjitha këto mynxyra, kini parasysh, nuk ishin për një ditë, por ishin të përditshme, aq sa edhe ushqimin detyroheshin ta hanin në këmbë dhe dy-tre veta me një lugë.

Të burgosurit thyenin gurë me gurë

"EPOKA E RE": Ç'punë bënin të burgosurit dhe, sa kishin të drejta?

BRAHA: Puna e parë dhe kryesore, që shërbeu edhe si torturë, ishte thyerja dhe bartja e gurëve. Fare në fillim të hapjes së llogores ka qenë thyerja e gurëve me gurë, ashtu gjithë ditën, në pikë të diellit. Pastaj janë sjellë kazma, qyskia, çekanë të rëndë dhe bartja e gurëve është bërë nga një vend në tjetrin. Gurët janë bartur në dy mënyra: në krahë dhe në lese prej dërrase. Leset mbusheshin me gurë prej rreth 100 kilogramësh dhe i bartnin dy të burgosur, ndërsa kujdestari i shtynte të shpejtonin, thuaja në vrap. Nga puna e tillë e rëndë e tërëditshme, të burgosurit rraskapiteshin, sa shpesh binin e plandoheshin për toke. Shumë prej tyre kanë përfunduar jetën nën peshën e gurëve, gjë të cilën e dëshmojnë edhe raportet e dorëzuara nga personat e autorizuar zyrtarë në instancat më të larta. Më vonë, nga puna e kotë, u organizuan punëtori për përpunimin e mermerit, prerjen e blloqeve, thyerjen e gurëve me makineri të mëdha dhe të gjitha me përfitime të mëdha sepse prodhimet bëheshin për eksport. Më vonë kanë sjellë makineri për përpunimin e drurit dhe pastaj u ngre një repart i përpunimit të metaleve dhe të riparimit të anijeve të vogla etj. Kështu u krijua një bazë industriale që fuqinë punëtore e paguante me ushqimin e ditës, ndërsa fitimet kolosale i shkonin në arkë UDB-së qendrore, pa u derdhur në buxhetin e shtetit, që këto mjete i shfrytëzonte për projektet e veta të errëta. Të burgosurit në Goli Otok nuk kanë pasur



kurrfarë të drejtash. Ata janë trajtuar si numra dhe e tërë aparaturore jugosllave ka qenë në funksion të thyerjes së tyre, të familjeve të tyre dhe rrethit më të gjerë, duke i nëpërkëmbur dhe përbuzur si njerëz.

"EPOKA E RE": Çfarë ju kujton "Gropa e Petrit"?

BRAHA: Gropa e Petrit është një histori e veçantë. Ajo është krijuar në një gropë të braktisur nga investitorët italianë prej shumë vitesh më parë, kur ky bregdet ishte nën administrimin italian, pasi kanë konstatuar se kualiteti i boksitit ishte i dobët dhe nuk mund të sillte përfitime financiare. Me hapjen e llogores të Goli Otokut për izolimin dhe ndëshkimin e kundërshtarëve

politikë dhe ideologjikë, kjo gropë u shfrytëzua për izolimin dhe ndëshkimin e atyre personave që quheshin të pathyeshëm, ose të parevidueshëm. Kjo gropë, që kishte thellësi prej tetë metrash dhe diametër prej 20 metrash, kishte dhe murin përreth në lartësi prej tri metrash, ishte shumë e përshtatshme për këtë qëllim. Në të u vendos me grupin e parë edhe Petar Komneniq, kryetar i Kuvendit të Malit të Zi, andaj në zhargonin e të burgosurve është mbiqajtur "Gropa e Petrit". Brenda saj janë vendosur 130 persona në një barakë dhe ata ishin plotësisht të izoluar prej të tjerëve dhe me trajtim tej mase të egër. Ndër këta është një shqiptar, Qamil Brovina. Të jesh me vite në këtë gropë, ishte një përplasje e jetës për shkëmbi.

Burgu i fashizmit ishte kopsht; burgu i nazizmit ishte lulishte; burgu i komunizmit pansllavist ishte ferr!

"EPOKA E RE": Në librin tuaj kemi parë dhjetëra dokumente, dhjetëra faksimile, edhe disa lista të të burgosurve politikë shqiptarë në Goli Otok që keni marrë nga Arkivi i Kroacisë, pas nxjerrjes së listës së UDB-së në periudhën e viteve 1949-1961. Gjenden aty 468 shqiptarë, me emër dhe mbiemër, të burgosur në Goli Otok, të moshave të shtyra e të reja. Çfarë ju kanë rrëfyer ata për ditët e trishita të përjetuara në atë burg?

BRAHA: Secili rrëfim i atyre që kanë kaluar nëpër torturat dhe

jugosllav", Meriman Braha (2)

rënda se në kampet naziste

mundimet e Goli Otokut është rrëqethës, sepse në kushtet e krijuara enkas për shpërfytyrim të njeriut, të nëpërkëmbjes së dinjitetit njerëzor, për shkatërrimin fizik e psikik të tij, objektivisht ka qenë shumë e vështirë t'u qëndrosh. Vetëm një qëllim fisnik dhe i lartë, bën, që në kohën e dërmimit tënd fizik, të jesh superior moralisht mbi shkaktesin e dhembjeve tua. Kjo gjithnjë i ka bërë hetuesit ta ndjenin epërsinë e forcës morale ndaj asaj fizike. Të gjithë shqiptarët që kanë qenë në Goli Otok, por edhe në burgjet e tjera, lidhen me veprimtarinë irredentiste, pavarësisht nga bindjet ideologjike, që në finale kishte gjithnjë qëllimin e shpëtimin e Kosovës nga Jugosllavia dhe të bashkimit të saj me Shqipërinë, qoftë me të drejtën e vetëvendosjes, qoftë me luftë të armatosur. Profesori i nderuar, Sami Peja, që ka qenë pjesëmarrës i LANÇ-së, ka qenë dënuar me 13 vjet dhe ka vuajtur në Goli Otok. Në pyetjen e profesorit Skender Riza, se cili është dallimi ndërmjet burgjeve të Italisë fashiste, të nazistëve gjermanë dhe të komunistëve jugosllavë, ai përgjigjet kështu: "Burgu i fashizmit ishte kopsht; burgu i nazizmit ishte lulishte; burgu i komunizmit pansllavist ishte ferr! Në Goli Otok shtatë herë më kanë sjellë në prag të vdekjes e shtatë herë më kanë ngjallur". Vladimir Bobinac, një kroat i dënuar, për Goli Otokun thotë: "Në llogoret e kampet në Gjermani, në Siberi, në Kroaci... mbytej trupi, kurse në kampin e Goli Otokut mbytej njeriu brenda njeriut". Ja, pra, si e përjetonin Goli Otokun ata që kanë pasur fatin e keq të gjendeshin atje në ato kohë tepër të rënda.

Lista e të burgosurve politikë shqiptarë në Goli Otok është përpiluar duke i nxjerrë nga Lista e madhe, duke i ndarë ata edhe sipas komunave, edhe sipas llojit të dënimeve, duke i përfshirë të gjithë të burgosurit shqiptarë nga trevat e tyre jetësore, nga Kosova, Maqedonia dhe nga Mali i Zi.

"EPOKA E RE": Edhe sa dosje ende s'janë bërë publike për të burgosurit në Goli Otok?

BRAHA: Askush s'e di saktë se sa dosje janë për të gjithë ata që kanë kaluar në kampin e Goli Otokut. Ka të dhëna se nëpër këtë ishull kanë kaluar 32 000 persona, këtë e thotë Ante Rashtegorci, zëvendës drejtor shumëvjeçar i Goli Otokut, që nga themelimi i tij. Ka të tjerë që thonë se janë mbi 60 000 vetëm për periudhën 1949-1961. Ka shumë të tjerë edhe nga radhët e shqiptarëve, që kanë vuajtur dënime atje deri në vitin 1988, kur ky kamp, llogore e burg, përfundimisht mbyllet.

Doktori: Do t'i lëmë morrat që t'ju hanë

"EPOKA E RE": Sa të burgosur janë vrarë në Goli Otok dhe, sa prej tyre shqiptarë?

BRAHA: Sipas Listës së ruajtur në Arkivin e Kroacisë, kanë vdekur ose janë vrarë gjithsej 413 persona, por janë evidentuar edhe 56 persona që nuk figurojnë në këtë listë. Sipas rubrikës së arsyes së vdekjes, del se numri më i madh i të vdekurve është nga tifoja. Por, edhe kjo është vrasje, sepse nuk është bërë asnjë përpjekje për ta parandaluar epideminë e tifos, bile një doktor zyrtar i thotë një kolegu të vet të dënuar: "Do t'i lëmë morrat që t'ju hanë". Kaq ishte humaniteti i tij dhe i atyre që udhëhiqnin këtë kamp.

"EPOKA E RE": I kemi lexuar kujtimet dhe dëshmitë e të burgosurve në ishullin e Goli Otokut që keni përfshirë në libër. Na kanë tronditur rrëfimet e tyre në atë "muze njerëzish" që mijëra mbijetojnë e qindra vdesin. Po, sa mund të themi se janë të shëndoshë të mbijetuarit?!

BRAHA: Personat që kanë vuajtur dënime në Goli Otok, sidomos ata të periudhës në trajtim, kanë qenë të gjithë me sëmundje të ndryshme. Të gjithë kanë qenë të traumatizuar, qoftë me pasojat fizike, qoftë me ato psikike. Në ato rrethana të rënda mendja errësohet dhe shpesh edhe vetëvrasja ishte e vetmja zgjidhje. Askush që rrëfen për ato kohë traumatike nuk mund të kalojë pa u ripërjetuar trauma, andaj shumë prej përjetuesve të tyre kanë folur pak, ose aspak. Nëse do të përshkruhej vetëm një ditë e tillë, do të shkruhej një roman, siç ka bërë

Solzhenjicini në romanin "Një ditë e Ivan Denisoviçit", që ka hapur një dritare për botën për ta njohur realitetin e hidhur dhe plot vuajtje në Gullagët e Bashkimit Sovjetik, ku kalbeshin e veniteshin miliona njerëz nga krimi i organizuar shtetëror. Asgjë më pak dramatike nuk do të ishte përshkrimi i një dite në ishullin kamp të Goli Otokut. Disa prej shkrimtarëve sllavë e kanë trajtuar temën e Goli Otokut, që deri vonë ka qenë temë tabu, sepse me të godisnin drejtpërdrejt në sistemin diktatorial të vendit, që binte ndesh me pasqyrën e rrejshme të Jugosllavisë në botë.

Të dhënat për të burgosurit në Goli Otok janë në Beograd

"EPOKA E RE": Asnjëra prej historiografive të shteteve të formuara pas shkatërrimit të Jugosllavisë nuk ka bërë sa duhet për hapjen e dosjeve për të burgosurit në Goli Otok. Pse kjo "varrosje" e fakteve?

BRAHA: Goli Otoku ka qenë nën juridiksionin e UDB-së federative të Jugosllavisë, rrjedhimisht të gjitha të dhënat, dëshmitë dhe kombinimet e mundshme janë atje, në Beograd, në Serbi. Besoj se e vërteta e plotë do të shtyhet për kohë të tjera, ndoshta do të presë ndryshimet e mëdha në Serbi, nëse ndonjëherë bëhen, sepse ajo është, siç ka qenë, antidemokratike, thellësisht e tillë, me politika afatgjatë gjenocidale ndaj fqinjëve të saj, veçanërisht ndaj shqiptarëve. Një lloj indiference në këto vende vjen edhe prej faktit se Goli Otoku ishte burg, llogore e komunistëve kundër komunistëve, që kishte si bazë ndëshkuese ideologjinë komuniste projugosllave

ndaj asaj prosovjetike. Nëse kjo mund të thuhet për serbët, malazezët, kroatët etj., kjo nuk vliente në asnjë rast për shqiptarët, të cilët në përgjithësi ishin kundër Jugosllavisë dhe pro Shqipërisë, e cila nga ky konflikt në familjen socialiste doli nga tutela jugosllave, e cila ishte gati për ta gllabëruar, duke lozur me kartën e Kosovës, që do t'i bashkohej asaj, nëse Shqipëria i bashkohet Jugosllavisë. Animi kah Bashkimi Sovjetik, Shqipërisë i hapte dy mundësi, daljen nga sfera e Jugosllavisë dhe, ndoshta, përfitim nga ndërhyrja eventuale ushtarake ruse në Jugosllavi, me bashkëngjitjen e Kosovës, si një lloj premtimi i dhënë.

"EPOKA E RE": Çfarë i mungon librit tuaj? Pra, në rast të ribotimit, çfarë do të plotësonit në të?

BRAHA: Pikërisht kjo i mungon, mundësia për të pasur në dorë materialet nga Arkivi i Serbisë, sepse aty janë mbyllur të gjitha mashtrimet, falsifikimet dhe planet e Serbisë, së paku për dyqind vjetet e fundit. Heqja e kësaj velloje do ta nxirrte Serbinë krejtësisht cullak me të gjithë shëmtinë e saj të jashtme e të brendshme. Po ashtu, besoj se i mungon edhe pjesa e dytë, që do ta kapte periudhën pas vitit 1961 deri në mbyllje, sepse ashtu do të kishim një tërësi përmbajtësore. Këtë plani kam dhe shpresoj ta përmbush.

Krimet e përmasave të tilla, si në Goli Otok, nuk vjetohen

"EPOKA E RE": Çfarë do të thoshit në fund?

BRAHA: Jugosllavia si shtet

artificial dhe i ringritur në përfundim të Luftës së Dytë Botërore ka bërë një sërë krimesh gjenocidale, të cilat kanë mbetur të pandëshkuara nga Bashkësia Ndërkombëtare për shkak të konjunkturave globale politike dhe të ndarjes së sferave të interesit. Si shtet, Jugosllavia ka kryer shumë krime mbi qytetarët e vet dhe për to s'ka dhënë asnjë përgjegjësi. Le t'i shohim disa prej tyre.

Pas përfundimit të Luftës së Dytë Botërore ka pushkatuar, pa procedurë gjyqësore, dhjetëra mijëra ushtarë të armikut të zënë robër. Mbetjet e tyre po zbulohen kohën e fundit në varrezat masive në Slloveni, Kroaci dhe në Serbi; Menjëherë pas LDB-së janë pushkatuar pa gjyq rreth 50 000 gjermanë të Vojvodinës për shkak të përkatësisë etnike të tyre;

Janë dëbuar dhunshëm rreth 800 000 mijë gjermanë nga shtëpitë e veta në Vojvodinë duke ua konfiskuar pasurinë e tyre të paluajshmë;

Janë pushkatuar pa gjyq disa dhjetëra mijë hungarezë për shkak të etnisë së tyre dhe disa dhjetëra mijë janë shpërngulur dhunshëm në Hungari;

Janë shpërngulur dhunshëm mbi 100 000 italianë dhe janë pushkatuar pa gjyq 5 000 prej tyre;

Janë vrarë në Tivar disa mijëra shqiptarë të Kosovës;

Janë shpërngulur dhunshëm 350 000 shqiptarë në Turqi, duke ua ndërruar kombësinë arbitrarisht në turq.

Për krimet e bëra me forcën e shtetit të Jugosllavisë shprehet në mënyrë të qartë Aleksandër Rankoviç, nënkryetar i shtetit, në Kuvendin Federativ, më 1 shkurt 1951, kur deklaroi: "Nëpër burgjet dhe kampet tona, prej vitit 1945 deri në vitin 1951, kanë kaluar 3 777 776 persona dhe kemi likuiduar 586 000 armiq të popullit", që është një e katërta e popullatës, ndërsa të vrarë pa gjyq në çdo milion janë vrarë 41 875 qytetarë. Ky është shteti totalitar i Republikës Socialiste federative e Jugosllavisë.

Kjo është fytyra e vërtetë e shtetit socialist jugosllav me fytyrë humane, që vetëm humane s'mund të ishte; përveç në vitet e '70, që shumë shpejt pasohen nga vitet e diktaturës, terrorit dhe gjenocidit. Goli Otoku ishte dhe mbetet një nga historitë e trishtat të krimeve shtetërore jugosllave, që ka mbetur gjithanshëm e pandëshkuar. Krimet e përmasave të tilla nuk vjetohen. Ato janë krime kundër njerëzimit. Trashëgimtare e Jugosllavisë, në masën më të madhe i takon Serbisë, rrjedhimisht edhe detyrimet dhe përgjegjësitë.


(Fund)



E rrallë

Telefonon policinë për ta ndihmuar me detyrat e matematikës

Një telefonatë e pazakontë ka ndodhur në një stacion policie në Lafayette, Indiana. Një djalë ka telefonuar policinë për ta ndihmuar me detyrat e matematikës. Antonia Bundy, e cila punon për Departamentin e Policisë Lafayette, iu përgjigj telefonatës nga djali, i cili i tha asaj se kishte pasur "një ditë të vërtetë të keqe" dhe



kishte shumë detyra shtëpie për të bërë. Në audion e regjistruar nga policia, Bundy fillon me qetësi të punojë me djalin.

FOTO E DITES



Një anije peshkimi shihet duke lundruar në lumin Mekong në Penhin. /AFP/

E jashtëzakonshme

Fotografia që bëri lëmsh gjithë rrjetin

Nëse e vështroni me detaje, arrini të kuptoni se është një qen i vërtetë. Kafsha shtëpiake i përket Sandra Pineda nga Filipinet, e cila u habit nga reagimi që patën njerëzit pasi publikoi fotografinë me qenin e saj. 22-vjeçarja bleu qenushin me ngjyrë të zezë Piper kur ishte vetëm dy muajsh. Piper i përket racës Xoloitzcuintle ose qenve meksikanë pa qime.



Sandra ka treguar se shumë njerëz e ngatëronin qenin me një statujë për shkak të paraqitjes unike dhe faktit që nuk ka qime.

BARSOLETA E DITËS



Fqinja rrah një fëmijë të vogël. Nëna e tij, shumë e nevrikosur, shkon për t'i kërkuar shpjegime:
- A mund ta di pse e ke rrahur djalin tim?
- Se më tha trashaluge.
- Dhe çfarë mendoni ju zonjë, se duke e rrahur djalin tim do të dobësoheni?



Programi i shfaqjes së filmave në Kino ABC

Në ora 16:00

"THE GRINCH" 3D,

I Animuar/Komedi/Familjar; 1 ore 30 min

Rolet: Benedict Cumberbatch, Rashida Jones, Kenan Thompson, Cameron Seely, Angela Lansbury, etj.

Regjia: Scott Mosier, Yarrow Cheney



Në ora 17:30

"THE NUTCRACKER AND THE FOUR REALMS" 3D

Aventure/Fantazi/Familjar; 1 ore 39 min

Rolet: Keira Knightley, Mackenzie Foy, Eugenio Derbez, Mathew Macfayden, Helen Mirren, Morgan Freeman, etj.

Regjia: Lasse Hallstrom, Joe Johnston



Në ora 19:30

"MORTAL ENGINES" 3D,

Komedi; 1 ore 51 min

Rolet: Hugo Weaving, Hera Hilmar, Robert Sheehan, Jihae, Ronan Rafferty, Leila George, Patrick Malahide, Stephen Lang, etj.

Regjia: Christian Rivers



Në ora 22:00

"HUNTER KILLER",

Aksion/Aventure/Fantazi; 2 ore 08 min

Rolet: Gerard Butler, Gary Oldman, Common, Linda Cardellini, Toby Stephens, Michael Nyqvist, Caroline Goodall, etj.

Regjia: Donovan Marsh



Për informata dhe rezervime të biletave thirrni **FALAS: 0800 22 222** dhe **boxoffice@kinoabc.info**, **www.kinoabc.info**, **fb: Kino ABC**.



DASHI

Po bëheni gati të ndërmerri një hap të


rëndësishëm, po më parë doni të konsultoheni me ata që ju japin gjithmonë këshilla të vlefshme.



DEMI

Arsyeja dhe logjika nuk ju lë të merrni asnjë

hap të guximshëm dhe të rrezikshëm në të njëjtën kohë. Keni nevojë për adrenalinë.



BINJAKËT

Po shijoni shumë atë çka ju

ofron dita pa kërkuar asgjë më tepër. Lumturia bëhet nga çastet e vogla.



GAFORRJA

Nëse do të ndërtoni qëndrim

lidhur me një çështje familjare këtë do ta bëni për një arsye shumë të fortë.



LUANI

Loja që po luani me një

person të caktuar do të rezultojë e rrezikshme. Disa nga pasojat s'i kishit menduar fare.



VIRGJËRESHA

Një çështje financiare

ju ka shqetësuar më shumë sesa që mendonit. Keni humbur fokusin edhe nga gjërat e rëndësishme.



PESHORJA

Keni dëshirë veç për

udhëtime këtë periudhë. Koha dhe ritmi juaj e favorizojnë së tepërmi këtë dëshirë.



AKREPI

Jeni në mëdyshje të pranoni

ose jo një marrëveshje të minutës së fundit. Mos u mendoni shumë sepse do të keni shumë favore.



SHIGJETARI

Partneri është bërë shumë

kërkuar karshi jush. Ka filluar t'ju bezdisë disi ky fakt.



BRICJAPI

Mos prisni që dita e sotme të

ketë zhvillime për t'u mbajtur mend. Do të kalojë pa ndonjë situatë të rëndësishme.



UJORI

Keni filluar të ndryshoni mendim për

një situatë të servitur nga të tjerët. Tani që po e përjetoni drejtpërdrejt ju duket krejt ndryshe.



PESHQIT

Dashuria do të zërë një vend të

rëndësishëm gjatë ditës. Shumë vendime të shtyra sot do të marrin formë definitive.

Cardi B fal tradhtinë e bashkëshortit



Zënka mes çiftit Cardi B dhe Offset ka marrë fund. Reperja duket se ka falur tradhtinë e ish-bashkëshortit dhe është gati t'i japë një shans të dytë. "Cardi B është një person i fortë në pamje të jashtme, por nga brenda është shumë e ndjeshme.

Ajo po lejon Offset t'i qëndrojë afër, por ka shumë kujdes. Offset i theu zemrën, por Cardi mendon ta bëjë sërish lidhjen të funksionojë dhe të dy po punojnë shumë për këtë gjë", ka thënë një burim pranë reperes për "HollywoodLife".

Chris Brown nis një histori të re dashurie



Ammika Harris ka qenë krahu i djathtë i Chris Brownit kur ai u përball me disa akuza për përdhunim. Lidhja e tij më e komentuar e reperit është ajo me Rihannën, e cila mori fund para disa vjetësh për shkak të dhunës fizike. Historia me Ammika Harris ka shkuar deri në veshin e

Rihannës. Kjo e fundit nuk është shqetësuar aspak nga kjo romancë e re, madje është lumturuar. Ammika është një modele në "Instagram" që ka rreth 110 mijë ndjekës. Ajo është me prejardhje afro-amerikane dhe aziatike. Vëmendjen më të madhe e mori për shkak të lidhjes me Chrisin.



Supermodelueset Bella, Kendall dhe Hailey, në gjyq për mashtrim

Dy agjenci që përfaqësojnë supermodelueset si Bella Hadid, Kendall Jenner, Hailey Bieber dhe Emily Ratajkowski së shpejti do të detyrohen t'i zbulojnë detajet rreth pagesave që morën nga mashtruesi Billy McFarland për festivalin e dështuar të vitit 2017 'Fyre'. Yjet e

pasarelave duhet t'i tregojnë informacionet që morën rreth pagesave për promovimin e festivalit. Administratori që mbikëqyr falimentimin e Fyre Media, i kërkoi një gjyqtari që të thërrasë në gjyq të famshmit që ndihmuan në promovimin e festivalit që u mbajt në Bahamas.

Këngëtarja bën tatuazh portretin e Harry Styles në faqe



Një këngëtare ka bërë një lëvizje drastike për ta tërhequr vëmendjen e yllit të popit, Harry Style. Kelsy Karter, nga Zelanda e Re, bëri tatuazh në faqe portretin e këngëtarit. Ajo publikoi

fotografinë e tatuazhit në rrjetet sociale. "Më në fund e di se çfarë do t'i dhuroj Harryt për ditëlindjen e tij". Këngëtarja pati paralajmëruar në "Twitter" se kishte planifikuar diçka për ditëlindjen e Harryt më 1 shkurt.

EURO GLASS
SAINT-GOBAIN SEKURIT PILKINGTON
Enveri

Adr: Fushë Kosovë
Mob: 044 10 20 10 / 049 145 336
E-mail: euro.glass@live.com



QENDRA SPORTIVE

"BUJQËSIA"

TEL: 045/82 82 82

PROGNOZA SPORTIVE

INTER - LAZIO

1

GIRONA - REAL MADRID

2

UNION BERLIN - KOLN

3+

Bytyqi: Kosova për shumë vjet e ka portën e sigurt

Trajneri i portierëve në Përfaqësuesen U15, Valmir Bytyqi, ka thënë se Kosova e ka portën e sigurt edhe për shumë vjet të tjera. "Portierët që ka Kosova aktualisht janë cilësorë, që nga Përfaqësuesja A e deri të grupmohave. Mund të them se portën e kemi të sigurt edhe për shumë vjet të tjera", ka thënë Bytyqi, i cili i ka lavdëruar Arijanet Muriqin dhe Visar Bekajn, kurse ka treguar yllin e së ardhmes: Laurenc Shalën

**EPOKA E RE**

Veton ZYMBERI

PRISHTINË, 30 JANAR - Ish-portieri i Përfaqësueses së Kosovës në Futboll dhe i skuadrës së Besës nga Peja, Valmir Bytyqi, të mërkurën për "Epokën e re" ka thënë se Përfaqësuesja e Kosovës edhe për shumë vjet e ka portën e sigurt. "Portierët që ka Kosova aktualisht janë cilësorë, që nga Përfaqësuesja A e deri të grupmohave. Mund të them se portën e kemi të sigurt edhe për shumë vjet të tjera", i cili më pas e ka lavdëruar portierin e Manchester Cityt, Arijanet Muriqi. "Është fat për ne që e kemi një portier si Muriqi dhe nëse ai nuk do të ketë ndonjë problem me lëndime apo ndonjë problem tjetër, atëherë do t'i sjell shumë siguri portës së Kosovës", ka shtuar ai. Ish-portieri i njohur tash e disa muaj është angazhuar trajner i portierëve në grupmohën U15 në

Përfaqësuesen e Kosovës, ku ka vërejtur disa probleme që lidhen me talentet e rinj. "Në përfaqësuese jam që pesë muaj dhe për këtë kohë kemi arritur për se afërmi ta shikojmë dhe identifikojmë punën dhe cilësinë e portierëve si në vend, po ashtu edhe jashtë. Në muajin nëntor kishim një kamp në Gjermani e një në Zvicër ku u testuan shumë lojtarë dhe portierë. Mund të them se në Kosovë është një e metë e madh se në shumicën e shkollave dhe klubeve të futbollit mungojnë trajnerët e portierëve, rrjedhimisht pata talente që stagnojnë në ngjitje të cilësisë dhe mbesin mbrapa me bashkëmohataret e tyre jashtë Kosovës", ka thënë Bytyqi, duke shtuar: "Talentit nuk mungon dhe jam i bindur që Kosova në të gjitha grupmohat ka portierë me perspektivë dhe me cilësi shumë të mira. Nuk dot kemi probleme as tash e as ne të ardhmen për përfaqësueset". I pyetur se a ka ndonjë portier që në

një të ardhme të afërt mund të jetë numër një në portën e Kosovës, por edhe në një klub të madh evropian, Bytyqi është përgjigjur: "Po, Kosova e ka një talent shumë premtues që është pjesë e skuadrës së West Ham Unitedit në grupmohën U15. Është Laurenc Shala, i cili, nëse vazhdon me këtë përkushtim, jam i bindur që brenda katër apo pesë vjetësh do të jetë i gatshëm për Përfaqësuesen A dhe për një skuadër të madhe evropiane". Në fund trajner Valmir Bytyqi ka lavdëruar edhe portierët aktualë në IPKO Superligën e Kosovës në futboll, duke thënë se ata janë duke bërë një punë të mirë nëpër skuadrat ku aktivizohen. "Për sa i përket Kosovës, mendoj se prin për nga cilësia Visar Bekaj i Prishtinës, por ka edhe disa portierë mjaft të mirë në Superligë që nuk kisha dashur t'i veçoj me emra, të cilët kanë krijuar një përvojë të mirë dhe po tregohen shumë të zotë në ekipet e tyre", ka përfunduar Bytyqi.

SHKURT

Besa mposhtet nga skuadra e Ligës së Dytë

Kriza e skuadrës së Besës së Pejës është konfirmuar edhe nga ndeshja miqësore e zhvilluar të mërkurën ndaj Dardanisë së Qyshkut. Pavarësisht se ishte një ndeshje miqësore, ekipi i Besës është mposhtur nga ekipi që bënë gara në një rang më të ulët. Skuadra që bënë gara në Ligën e Dytë, Grupi A, Dardania, e ka mposhtur skuadrën me traditë në futbollin e Kosovës, Besën (3-2). Golat për Dardaninë i shënuan Luigj Krasniqi, Lorik Kajtazi dhe Albin Gashi. Për skuadrën e Besës shënuan Lum Gashi dhe Florent Qorraj.

Drenica dhe Gjilani rikthehen në Kosovë

Skuadra e Drenicës dhe ajo e Gjilanit kanë përfunduar fazën përgatitore në Durrës dhe janë rikthyer në Kosovë. Skuadra nga Skenderaj, Drenica, ka njoftuar në faqen zyrtare se tash ekipi do t'i vazhdojë stërvitjet në Skenderaj, ndërkohë do ta shqyrtojë mundësinë të udhëtojnë edhe një herë tjetër për herë të dytë në fazën përgatitore. Ndërsa Gjilani të mërkurën e ka mbajtur stërvitjen e fundit në Durrës, ku më pas është rikthyer në Kosovë, ku do ta vazhdojë fazën përgatitore për edicionin pranveror në Superligë.

Kukësi, shumë afër transferimit të Valdet Ramës

Afati kalimtar është drejt mbylljes, por Kukësi duket se nuk po ndalon duke afruar lojtarë. "Panorama Sport" raporton se ekipi verilindor është në negociata me Valdet Ramën, i cili ishte lojtar i Kombëtares shqiptare dhe është një goditje shumë e madhe për Kukësin nëse do të finalizohet. Prej 28 shkurtit të vitit që lamë pas është pa skuadër Rama, por 31-vjeçari ka një përvojë të madhe duke luajtur për shumë skuadra në Gjermani dhe për Valladolidin në Spanjë.

Guardiola: Këto tri klube janë më të mirat në dekadën e fundit

Pep Guardiola është pyetur se cilat janë skuadrat janë më të mira të dekadës së fundit dhe zgjedhjet e tij ngjallën shumë debate. "Tri skuadrat më të mira të dekadës së fundit janë: Juventus, Bayern Muncheni dhe Barcelona. Sepse çdo sezon fitojnë kampionatin, sepse çdo sezon fitojnë Kupën dhe çdo sezon janë aty duke konkurruar. Për këtë arsye janë më të mirët", ka thënë Guardiola, i cili la jashtë kësaj liste Real Madridin që në pesë sezonet e fundit ka fituar katër herë Ligën e Kampionëve.

Kosova - Danimarka përballen më 21 mars në "Fadil Vokrri"

PRISHTINË, 30 JANAR - Përfaqësuesja e Kosovës në futboll do të zhvillojë ndeshje miqësore ndaj Kombëtares së Danimarkës më 21 mars në

Prishtinë. Lajmi është konfirmuar nga Federata e Futbollit e Kosovës. "Kosova do të luajë miqësore me Kombëtaren e Danimarkës më 21 mars.

Finalizimin e marrëveshjes së kësaj miqësoreje ndërmjet dy federatave e ka konfirmuar presidenti Agim Ademi. Kjo ndeshje zhvillohet në stadiumin

'Fadil Vokrri' në Prishtinë dhe vjen katër ditë para se 'Dardanët' ta nisin ciklin kualifikues për 'Euro 2020' kundër Bullgarisë", thuhet në njoftimin e FFK-së.



Debutim ëndrrash për Mavrajn

INGOLSTADT, 30 JANAR - Vlerësime pozitive për Mergim Mavrajn, që debutimin e tij me FC Ingolstadt 04 e ka bërë si një lider. Qendërmbrojtësi i kombëtares është vlerësuar më i miri i ndeshjes, teksa nota për

të ka qenë 2.5. Një notë mjaft e lartë, duke ditur mënyrën se si bëhen vlerësimet në Gjermani. "Shqiptari debutoi me Ingolstadt dhe e bëri në nivel të lartë. 32-vjeçari nuk bënte kompromise në duelet me

kundërshtarët, bëri ndërhyrjet e duhura dhe mori rolin e liderit. Me fat, ai arriti ta fitonte edhe penalltinë që i dha fitoren Ingolstadtit", shkruan "donaukurier.de". Mavrajn konsiderohet më i miri në

fushë edhe nga "whoscored.com". Referuar paraqitjes së tij, ai ka marrë notën 8.6. Një nisje shumë e mirë për qendërmbrojtësin, madje ndaj ish-skuadrës së tij Greuther Further.



Zeneli: Kosovën e zgjodha me zemër

Arbër Zeneli është një nga më meritoret për suksesin historik të Kosovës në Ligën e Kombeve. Tash e tutje ylli "dardan" do të luajë në kampionatin elitare të Francës

PRISHTINË, 30 JANAR - Reprezentuesi i Përfaqësueses së Kosovës në futboll, Arbër Zeneli, në një intervistë për klubin e vet të ri, Stade de Reims, ka treguar se e zgjodhi Kosovën me zemër. Zeneli preferoi t'i mbrojtë ngjyrat e vendit të prejardhjes para vendit ku ka lindur, Suedisë. "E zgjodha Kosovën me zemër sepse prindërit e mi vijnë nga Kosova dhe, edhe pse unë nuk kam lindur atje, prapëseprapë kam gjak kosovar. Unë jam shumë i lidhur me rrënjët e mia dhe mendoj se mora vendimin e duhur dhe jam krenar që jam pjesë e këtij ekipi", ka thënë Zeneli në faqen zyrtare të skuadrës franceze. Zeneli debutoi për Kosovën më 6 tetor të vitit 2016, menjëherë pasi vendi



u pranua në UEFA dhe FIFA. 23-vjeçari ka kaluar nëpër tri ekipe kombëtare të Suedisë: U-17, U-19 dhe U-21. Me këtë të fundit, Zeneli edhe e fitoi Kampionatin Evropian U-21. Ai e shënoi një gol në 10 paraqitje. "Po, ka qenë

e vështirë për mua, sepse isha pjesë e ekipit që e fitoi Kampionatin Evropian U-21 dhe pas kësaj ndjeva se deshën të ma jepnin një rast por, në fakt, nuk ma dhanë asnjëherë", ka deklaruar Zeneli.

Spurs fiton në fund, Lakersi mposhtet nga Philadelphia

LOS ANGELES, 30 JANAR - Surpriza në ndeshjet e NBA-s, me Lakersin që u mund 121-105 në fushën e vet nga Philadelphia. Ingrams realizoi 36 pikë për kalifornianët, por që mbetën për statistikë, ndërsa për miqtë u dallua Embiid me 28 pikë e 11 rebounde, mbështetur edhe nga Butleri me 20 pikë. Humbet edhe skuadra e Houstonit, që u mund në fushën e vet nga New Orleans 121-116.

Teksanët dominuan në ndeshje në shumicën e kohës (Hardeni 37 pikë e 11 rebounde), por miqtë përmbysën shifrat në minutat e fundit falë 27 pikëve e 12 reboundeve të Okaforit si dhe 19 pikëve të Holidayt. Në sekondat e fundit triumfon skuadra e San Antonios, që mposhti 126-124 Phoenixin, ndeshje me rivalitet dhe emociione deri në fund (Rudi Gay realizoi koshin e fitores sekondën e fundit). Shtatë lojtarë të skuadrës së Spursit realizuan mbi 12 pikë, me Aldridge që realizoi 29 pikë e 14 rebounde, më i miri në fushë. Fiton edhe ekipi i Brooklynit, që mundi 122-117 ndaj Chicagos, ndeshje me luhatje



nga të dyja ekipet, që deri në fund dueluan për fitoren. Russell e mbylli me 30 pikë, mbështetur edhe nga Napieri me 24 pikë, duke i bërë të pavlefshme 26 pikët e LaVines. Fitore surprizë e Clevelandit, që mundi 116-113 Washingtonin, me dyshen Clarkson-Osman, që së bashku realizuan 54 pikë, ndërsa Milwaukee, falë 21 pikëve e 11 reboundeve të Antetokounmpos, mposhti 115-105 Detroitin. Rikthehet te fitorja skuadra e Oklahomës, që triumfoi 126-117 ndaj

Orlandos, me Georgen që realizoi 37 pikë. Mirë u paraqit edhe Westbrook që realizoi një "triple double" (23 pikë, 14 rebounde e 14 asistime).

/Telesport/

REZULTATET

Cleveland - Washington	116-113
Detroit - Milwaukee	105-115
Orlando - Oklahoma	117-126
Brooklyn - Chicago	122-117
Houston - New Orleans	116-121
San Antonio - Phoenix	126-124
Lakers - Philadelphia	105-121

SHKURT

Piatek: Ky është vetëm fillimi

Pas dy golave të parë me Milanin, të cilat i realizoi ndaj Napolit në ndeshjen e Kupës, ylli polak Krzysztof Piatek ndihet shumë i lumtur që arriti të shënojë dy gola në debutim për skuadrën kuqezi. "E prisja një natë si kjo, e kisha thënë që në fillim se isha gati, dhe sot shënova dy herë. Është vetëm fillimi. Të dy ishin gola të bukur, edhe pse të ndryshëm. Para ndeshjes fola me Laksalt dhe Borinin. U kërkova të më shërbenin topa të lartë dhe të gjatë, sepse ata preferoj. Tek goli i dytë, pata Kulibalinë përpara, por aksioni shkoi mirë. Sonte ishte një mbrëmje e mirë, por tani mendojmë për Romën", ka thënë Piatek.

Unitedi 'blindon' Martialin

Ylli francez i Manchester Unitedit, Anthony Martial, ka rinovuar me "Djajtë e kuq", një kontratë të re që e mban në "Old Trafford" deri në vitin 2024. 23-vjeçari ishte një nga lojtarët më të kërkuar këtë afat kalimtar pasi kontrata e tij do të skadonte në fund të sezonit. Skuadra favorite për të nënshkruar një parakontratë me francezin ishte Juventus. 23-vjeçari është një nga lojtarët më të mirë në Premierë Ligë dhe mendohet se do të ketë një të ardhme të ndritur me Unitedin.

Lokalizohet vendndodhja e avionit ku humbi Emiliano Sala

Autoritetet britanike njoftuan të mërkurën se ata do ta rifillojnë kërkimin e avionit me të cilin Emiliano Sala dhe pilotin David Ibbotson po udhëtonin nga Nantesi drejt Cardiffit. Shkak është bërë gjetja e dy ulëseve të një avioni (të ngjashëm me avionin e zhdukur) në det, në Veri të Francës, në territorin e zonës së quajtur Normandie. "Ne kemi angazhuar një motor kërkimi të specializuar për të ndërmarrë kërkime nënujore në shtratin e detit", thuhet në deklaratën e Agjencisë Britanike për Hetimin e Aksidenteve Ajrore (AAIB). IAAB bëri me dije se kërkimet do të fillojnë vetëm në fund të kësaj jave për shkak të kushteve të këqija të motit dhe të detit. Kujtojmë se më 21 janar u zhduk avioni i tipit Piper PA-46 Malibu, me dy persona në bord, futbollistin e Cardiffit, Emiliano Sala dhe pilotin, David Ibboston.

Bayerni, 255 milionë euro për këta futbollistë

Bayern Muncheni planifikon që sezonin e ardhshëm të investojë për rindërtimin e ekipit. Sport "Bild" shkruan se klubi gjerman ka përqafuar ndryshimet, veçanërisht në lidhje me krizën vjeshtore që ka shkaktuar shumë probleme. "Bavarezët" në tre sezonet e fundit kanë bërë transferime në vlerë prej 196.5 milionë eurove, duke përfshirë Comanin dhe Tolissoin, Wagnerin dhe Hummelsin. Sipas revistës sportive gjermane, synon të shpenzojë 255 milionë euro gjatë periudhës së ardhshme verore. Ata kanë për synim të sjellin një gjeneratë të re si Lucas Hernandez (22), Timo Werner (22) dhe Kaia Havertz (19).

Neymari mungon dhjetë javë

Zbulohet shkalla e dëmtimit të sulmuesit Neymar. Sulmuesi brazilian, ashtu si një vit më parë, është dëmtuar në pjesën më të rëndësishme të sezonit. Ai do t'i nënshtrohet një "trajtimi konservativ" në kycin e këmbës pasi ka thyer kockën e pestë, të njëjtin dëmtim që pësoi edhe në sezonin e shkuar. Ky lloj trajtimi është bërë me konsensus të mjekut brazilian që e operoi vjet dhe mjekëve të PSG-së. Në ndërthurje të metodave bashkëkohore të mjekësisë do të ketë edhe trajtim me mjekime popullore nga Brazili, gjë e cila u kërkua nga lojtari dhe familja e tij. "Pas shkëmbimeve brenda grupit të ekspertëve, në konsensus u vendos për t'i ofruar Neymar një trajtim konservativ për lëndimin e metatarsal të pestë. Të informuar për këtë rekomandim, sulmuesi ndërkombëtar brazilian i Paris Saint-Germain ishte në pajtim të plotë me këtë protokoll", thuhet në njoftimin e PSG-së. Mësohet se Neymar do të mungojë për 10 javë, plot 2 muaj e gjysmë dhe parashikohet që rikthimi i tij të jetë javën e parë të prillit.



Republika e Kosovës
Republika Kosova-Republic of Kosovo
Qeveria –Vlada-Government

Ministria e Administratës Publike - Ministarstvo Javne Uprave - Ministry of Public Administration

Bazuar në nenin 12, paragrafi 4 të Ligjit Nr. 03/ L -149 për Shërbimin Civil të Republikës së Kosovës, Ligjin Nr. 04/L-077 Për Marrëdhëniet e Detyrimeve, Ministria e Administratës Publike bën:

Shpallje të Konkursit Publik për Marrëveshje për Shërbime të Veçanta

Emri i Institucionit	Ministria Administratës Publike /DSPIMQN
Titulli i punës:	Inxhiniera (Arkitekturë, Ndërtimtari, Hidro, Makineri, Elektro)
Numri i referencës:	MAP/DSPIMNQ - 1 - 2019 /MSHV
Tarifa e shërbimit:	Koeficienti 8
Raporton te:	Udhëheqësi i Divizionit
Lloji i kontratës:	Marrëveshje për Shërbime të Veçanta - (MSHV)
Kohëzgjatja e kontratës:	3-6
Orari i punës:	I plotë, 40 orë në javë
Lokacioni:	Prishtinë "Ndërtesa ish Rilindja"

Detyrat dhe përgjegjësitë:

1. Të menaxhojë, mbikëqyrë, kontrolloj realizimin e planeve të aprovuara të mirëmbajtjes;
2. Të koordinoj dhe ngrit nivelin e bashkëpunimit dhe profesionalizmin në kryerjen e aktiviteteve të njësisë dhe më gjërë;
3. Të menaxhon, kontrolloj dhe mbikëqyrë realizimin e obligimeve për kryerje të shërbimeve, liferime të mallrave të ndryshme, azhurimin e shënimeve në mënyrë periodike;
4. Përgatit dokumentacionin për projektet, përfshirë dizajnet, kalkulimet, përshkrimet teknike, përmasat dhe parallogaritë, dokumentet tjera përcjellëse;
5. Të mbikëqyr punët ndërtimore në punishte të projekteve dhe kontrolloj librin ndërtimor e ditarin e punës për çdo ditë;
6. Të menaxhojë, kontrollojë sistemin e pagesave që të realizohet sipas kushteve të kontratës për projektet me të cilët është i ngarkuar nga udhëheqësi;
7. Kontrolloj dhe përcakton tipin dhe kualitetin e materialit që do të përdoret gjatë ekzekutimit të punimeve, që ti përmbush kushtet sipas standardeve teknike.
8. Të kryej ndonjë detyrë tjetër sipas kërkesës nga mbikëqyrësi;

Kualifikimi Përvoja dhe Shkathësitë e kërkuara:

- Fakulteti teknik drejtimi : Bachelor u Arkitekturës, Ndërtimtarisë, Hidroteknikes, Makinerisë, Elektros;
- Së paku 1 vite përvojë pune profesionale;
- Përvojë dhe aftësi të mira në programet për Vizatim;
- Njohuri të mirë pune me kompjuter (Word, Excel, Internet, Auto Cad);
- Njohuri për implementimin e sistemeve të BMS për menaxhimin automatik të ndërtesave ;
- Aftësi të mira komunikuese me gojë dhe me shkrim të gjuhës shqipe, e dëshirueshme e gjuhës angleze dhe serbokroate;
- Aftësi për punë në ekip dhe përmbushje të detyrave dhe punëve të vështira;

Ministria e Administratës Publike mirëpret aplikacionet nga të gjithë personat e gjinisë mashkullore dhe femërore, nga të gjitha komunitetet.

Kushtet e pjesëmarrjes në konkurs:

Të drejtë aplikimi kanë të gjithë Qytetarët e Republikës së Kosovës të moshës madhore të cilët kanë zotësi të plotë për të vepruar, janë në posedim të drejtave civile dhe politike, të kanë përgatitjen e nevojshme arsimore dhe aftësinë profesionale për kryerjen e detyrave dhe të cilët kanë aftësitë fizike që kërkojnë për pozitën përkatëse.

Data e mbylljes së konkursit: Konkursi mbetet i hapur 5 ditë kalendarike nga dita e publikimit në ueb faqen e MAP-it dhe shtypin ditor.

Paraqitja e kërkesave: Formularët për aplikim mund të merren në recepcionin e MAP-it, zyrën nr.320 kati i III-të ose mund të tërhiqen nga ueb faqja e MAP-it në adresën <http://map.rks-gov.net/> dhe dorëzohen në Divizionin e Burimeve Njerëzore në adresën: Ndërtesa e ish Rilindjes kati i III-të nr. zyrës 320 – Prishtinë, çdo ditë pune nga ora 8:00 – 16:00. Për informata më të hollësishme mund të kontaktoni në nr.tel. 038/200 30-002 ,038-200-30-552.

Aplikacionit duhet t'i bashkangjiten: Kopja e letërnjoftimit, kopjet e dokumentacionit të kualifikimit, si dhe dokumentacionet tjera të nevojshme sipas konkursit.

Datat e mbajtjes së intervistave për kandidatët të cilët i plotësojnë kushtet e parapara me këtë konkurs, do të publikohen vetëm në ueb faqen zyrtare të Ministrisë së Administratës Publike.

Na osnovu člana 12,stav 4 Zakona Br.03/ L -149 za Civilnu Službu Republike Kosovo ,Zakon Br. 04/L077 Za Odnose Obaveza ,Ministarstvo Javne Uprave, objavljuje :

Javni konkurs o Dogovoru za Posebne Usluge

Naziv Institucije	Ministarstvo Javne Uprave / DSPIMVZ
Titula radnog mesta :	Inženjeri (Arhitektura, Građevinski, Hidro, Mašinerija, elektro)
Broj referenci je :	MJU- DSPIMVZ - 1 - 2019 god. /DPU
Tarifa usluge :	Koeficijent 8
Izveštava kod:	Rukovodilaca Divizije
Vrsta Ugovora :	Dogovor za Posebne Usluge - (DPU)
Trajanje ugovora:	3-6
Radno vreme :	Puno radno vreme, 40 sati nedeljno
Lokacija	Priština "Bivši Dom Štampe Rilindja"

Zadaci i odgovornosti :

1. Da menadžira, nadgleda, kontroliše realizaciju odobrenih planova održavanja;
2. Da koordiniše i podigne nivo saradnje i profesionalizma u vršenju aktivnosti jedinice i šire;
3. Da menadžira, kontroliše i nadgleda realizaciju dužnosti za vršenje usluga, isporuku različite robe, ažuriranje beleški na periodičan način;
4. Priprema dokumentaciju za projekte, uključujući dizajn, kalkulacije, tehničke specifikacije, dimenzije i prekalkulisanja, i svu prateću dokumentaciju;
5. Nadgleda građevinske radove projekata na gradilište i kontroliše građevinsku knjigu i dnevnik rada svaki dan.
6. Upravlja, kontroliše sistem plaćanja, da bi se izvršio pod uslovima ugovora projekata, za koje je zadužen od Rukovodilaca;
7. Kontroliše i određuje vrstu i kvalitet materijala koji će se koristiti tokom izvršenja radova tako da bi se ispunili uslovi prema tehničkim standardima;
8. Vršiti neku drugu dužnost koju zahteva rukovodilac.

Kvalifikacija Radno iskustvo i Potrebne veštine :

- Fakultet Tehničkog smera: Bachelor u Arhitekturi, Građevinski, Hidrotehnički, Mašinerije ili Elektro;
- Najmanje 1 godinu stručnog radnog iskustva;
- Dobro iskustvo i sposobnosti u programima za Crtanje;
- Dobro poznavanja rada na kompjuteru (Word, Excel, Internet, Auto Cad);
- Poznavanje sprovođenja BMS sistema za automatično upravljanje zgradama;
- Dobre usmene i pismene komunikativne veštine na Albanskom jeziku, poželjni su i Srpskohrvatski i Engleski jezik;
- Sposobnost timskog rada i vršenja teških zadataka i poslova;

Ministarstvo Javne Uprave dočekuje aplikacije iz svih osoba muškog i ženskog pola iz svih zajednica.

Uslovi učestvovanja na konkurs:


Pravo apliciranja imaju svi Građani Republike Kosova punoletne starosti koji imaju punu pravnu sposobnost delovanja, civilnih i političkih prava, i imaju potrebnu obrazovnu i stručnu pripremu i sposobnost za obavljanje dužnosti, i koji imaju fizičke sposobnosti potrebne za određenu poziciju.

Datum zatvaranja konkursa: Konkurs je otvoren 5 kalendarskih dana od dana objavljivanja na web stranicu MJU- a i u dnevnoj štampi .

Podnošenje zahteva : Prijave za apliciranje se mogu uzimati na recepciji MJU- a, kancelarija br.320 III-ći sprat ili u web stranicu MJU-a u adresu <http://map.rks-gov.net/> i dostavljaju u Diviziju za Ljudske Resurse na adresu: bivši Dom štampe Rilindja III-ći sprat kancelarija br.320 – Priština, svakog radnog dana od 8:00 – 16:00 časova . Za detaljnije informacije možete nas kontaktirati na br. Tel. 038/200 30 002.

Uz aplikaciju treba priložiti i: Kopiju lične karte, kopije kvalifikacione dokumentacije, kao i druga potrebna dokumenta prema konkursu.

Datum održavanja intervjuja za kandidate koji ispunjavaju uslove predviđene prema konkursu, biće objavljeni na službenoj web stranici Ministarstva Javne Uprave.


Republika e Kosovës
 Republika Kosova-Republic of Kosovo
 Qeveria - Vlada-Government
Shërbimi Spitalor Klinik dhe Universitar i Kosovës

31
29.01.2019

Univerzitetska Bolnička i Klinička Služba Kosova-Hospital and University Clinical Service of Kosovo
 Qendra për Integrimin dhe Rehabilitimin e të Sëmurëve Kronik Psikiatrik - Shtime
 The Centre for integration and rehabilitation of chronic psychiatric patients - Shtime
 Centar za integrisanje i rehabilitaciju hroničnih psihijatrijskih bolesnika - Štimlje
Sektori i Personelit

Në bazë të nenit 8, paragrafi 1 dhe 2 të Ligjit të Punës Nr. 03/L-212; nenit 4 të Udhëzimit Administrativ (MPMS) nr. 07/2017 për Rregullimin e Procedurave të Konkursit në Sektorin Publik; nenit 6 paragrafi 1.1, nenit 10 të Statutit të Shërbimit Spitalor dhe Klinikë Universitar i Kosovës (SHSKUK); nenit 62 paragrafi 6 të Ligjit Nr. 04/L-125, për Shëndetësi; nenit 5 paragrafi 1 e 2 i rregullores nr. 1003/2016; **Kërkesës nr.1/2019**; Qendra për Integrimin dhe Rehabilitimin e të Sëmurëve Kronik Psikiatrik - Shtime, publikon:

K O N K U R S

I. Institucioni: Qendra për Integrimin dhe Rehabilitimin e të Sëmurëve Kronik Psikiatrik-Shtime

Pozita punës: Infermier/e i Përgjithshëm, dy (2 pozita)
 Koeficienti i pagës: 5.5
 Orari i punës: I plotë
 Kohëzgjatja e kontratës: Kohë të pacaktuar
 Nr. i Referencës: QIRSKPSH 01/2019

Qëllimi kryesor i vendit të punës:
 Ofrimi i shërbimeve shëndetësore në kuptimin cilësor e sasior, bazuar në nivelin profesional që kërkohet për të gjithë profesionistët shëndetësor.

I. Përshkrimi i punëve dhe fushat e përgjegjësisë për infermierë me Bachelor, infermier të përgjithshëm:

- Do të punojë si pjesëtar/e i/ e ekipit të kujdesit mjekësorë, në ofrimin e standardit me të lartë të kujdesit shëndetësor të përqendruar në pacientin, duke siguruar në çdo kohë kujdes të duhur dhe të sigurt për pacientët,
- Sipas nevojës t'i asistojë pacientit në mbajtje të higjienës personale, gjatë të ushqyerit, kryerjes së nevojave fiziologjike dhe aktiviteteve tjera që promovojnë shëndetin dhe mirëqenien e pacientit,
- Të sigurojë komunikim të mirë gjatë dorëzimit të detyrës pas orarit të punës si dhe të dhëna të sakta për pacientët për të cilët është kujdesur gjatë tërë orarit të tij/ saj të punës,
- Të administrojë terapinë e përshkruar në përputhje me politikën Institucionale,
- Të përdor dhe të mirëmbajë në mënyrë të duhur dhe të sigurt të gjitha pajisjet,
- Të marrë pjesë në mbledhjet e ekipit kur ajo është e nevojshme,
- Të ruajë konfidencialitet të plotë për çështjet që kanë të bëjnë me trajtimin e pacientit apo punën e institucionit,
- Gjithnjë të veprojnë në mënyrë të tillë, që do të ndihmonte në avancimin e marrëdhënieve të mira pacient - infermier/e,
- Punon dhe bashkëpunon me profesionistët tjerë shëndetësor si Psikiatër,Psikolog , Punëtorë Social,Ndihmës Mjekësorë duke përdorur mekanizmin për monitorimin e rezultateve të kujdesit ndaj pacientit,
- Të ndërmarrë të gjitha masat e nevojshme për parandalim të dekubitit,
- Të marrë pjesë në mbledhjet e ekipit kur ajo është e nevojshme,
- Të kryejë edhe detyra tjera që kërkohen nga mbikëqyrësi për të siguruar efikasitet të lartë në punë.

I. Dokumentet e kërkuara – fotokopje :

- Diploma e Fakultetit të Infermierisë së Përgjithshme,
- Diploma e Shkollës së Mesme e Mjekësisë të Infermierisë së Përgjithshme,
- Licenca e punës
- Certifikata nga libri amzë i të lindurve,
- Letërnjoftimi – fotokopje,
- Njohja e kompjuterit (word dhe excel) – e dëshirueshme,
- Mund të sillni edhe dëshmi tjera të aftësisë, rekomandime specifike, etj.

Dokumentacioni i bashkangjitur këtij aplikimi nuk kthehet.
 Originalin e këtyre dokumenteve ose të vërtetuara të noteri do të kërkohet vetëm atëherë kur kandidati thirret për punë.
 - Përvoja e punës do të këtë përparësi.

Kushtet e pjesëmarrjes në rekrutim:
 -Të gjithë Infermierët me Bachelor dhe Infermierët e përgjithshëm me shkollë të mesme.
 -Të drejtë aplikimi kanë të gjithë shtetasit e Republikës së Kosovës të moshës madhore të cilët kanë zotësi të plotë për të vepruar, kanë mbaruar shkollimin e kërkuar dhe kanë aftësinë profesionale për kryerjen e detyrave sipas këtij konkursi.


Procedurat e konkurrimit: Konkurrimi është i hapur për të gjithë kandidatët e interesuar.
Konkursi është i shpallur 15 ditë nga data e publikimit në mjetet e informimit

Në testim do të fihen vetëm kandidatët që kanë plotësuar kriteret e konkursit. Kandidatët që i plotësojnë kriteret e konkursit do t'i nënshtrohen testit me shkrim, dhe të gjithë kandidatët të cilët nuk e kalojnë testin me shkrim mbi 50% do të diskualifikohen automatikisht. Ndërsa të gjithë kandidatët që ju kanë nënshtuar testit me shkrim, dhe kanë arritur të kalojnë atë 50% e më shumë të pikëve të tij, do të fihen në intervistën me gojë, pranë komisionit përzgjedhës. Renditja e kandidatëve do të bëhet sipas pikëve të përgjithshme që do të fitojë çdo kandidatë nga dy proceset si më sipër (testimi me shkrim dhe intervista me gojë).

Paraqitja e kërkesave: Aplikacionet merren dhe dorëzohen në zyrën e Sektorit të Personelit në QIRSKP-Shtime. Në aplikacion duhet të cekët qartë titulli i vendit të punës dhe numri i referencës.

Kërkesat e dërguara pas datës së fundit dhe kërkesat e pakompletuara nuk do të pranohen.

Shtime, dt.29.01.2019

Drejtori i QIRSKP-Shtime

 Dr.Miftar Zenelaj



Në bazë të nenit 8 të Ligjit të Punës nr. 03/L-212, të Republikës së Kosovës, nenit 4 pika 1,2,3,4,5 dhe nenit 5 të Udhëzimit Administrativ nr. 07/2017 për Rregullimin e Procedurave të Konkursit në Sektorin Publik, nenit 8 pika 1 (a), nenit 10 pika 1,5 dhe 11 pika 1 e Rregullores nr. 1074 të datës 21.08.2017 mbi Marrëdhënien në Punë, Vendimi nr. 271 të datës 29.01.2018, Kryeshefi Ekzekutiv i N.P.K."Trafiku Urban" SH.A, Prishtinë, shpall:

K O N K U R S

Pozita - Monitorues i kamerave dhe GPS-ve

Numri i pozitave: 1 (një)

Kohëzgjatja e punës: 1 vit me mundësi vazhdimi

Detyrat dhe përgjegjësitë

- Monitoron, kontrollon dhe mirëmban kamerat dhe GPS-at në autobusë.
- Bën regjistrimin dhe identifikimin e problemeve të cilat paraqiten në inçizimet e kamerave dhe GPS-ve,
- I nxjerr raportet, problemet të cilat paraqiten gjatë orarit të operimit dhe i ruan ato nga kamera dhe GPS.
- Mbanë statistikën lidhur me performancat e autobusëve, nxjerrë raportet e harxhimeve të derivateve, aksidenteve, shpejtësisë së autobusëve, keqpërdorimeve të mundshme, të hyrat dhe zhvillimet nëpër autobusë gjatë punës,
- Kujdeset për servisim dhe mirëmbajtje të kamerat dhe GPS-ve.
- Mbanë librin e evidencës të nisjes dhe autobusëve nga linjat e operimit, pranon defektet dhe problemet të cilat janë paraqitur në autobus.
- Për çdo problem i cili ndodhet në operim paraqitet si rast dhe e bën regjistrimin dhe informacionin e shpërndan, duke e nxjerr nga kamerat dhe GPS-at.
- Mbanë evidencën e intervenimeve e nevojshme të autobusëve dhe pastaj kontakton Menaxherin Operatives dhe e njofton lidhur me problemin.
- Kontakton me dispeçerët me qëllim të marrjes së masave të caktuara dhe ofrimin e ndihmës për operim të rregullt të autobusit.
- Mbledhë, ofron dhe analizon dhe vlerëson të dhënat e transportit me linjat e operimit përmes kamerave dhe GPS-ve.

Kualifikimet dhe aftësitë:

- Fakulteti Ekonomik - Menaxhment dhe Informatikë.
- Njohuritë e qasjeve moderne në planifikim dhe kontroll,
- Aftësi kompjuterike posaçërisht mbi sistemet kompjuterike me kamra dhe GPS.
- Njohja e gjuhës angleze është obligative.
- Përvojë pune duhet të ketë së paku 3 vjet.
- Gatishmëri për të punuar natën sepse është specifike mirëmbajtja e autobusëve gjatë ndërrimit të 3-të.
- I gatshëm për të dalë në teren, gjatë operimit të autobusëve sipas nevojë dhe rasteve.
- Të posedoj patent shofer.

Dokumentacioni i nevojshëm dhe mënyra e aplikimit:

1.Kandidati/ja, duhet t'i dorëzojë këto dokumente në formë të skanuar në email: punesimi@trafikurban-pr.com:

2.Aplikacioni për punësim (shkarkohet nga ëeb-faqja e TU-së <http://ëëë.trafikurban-pr.com/shq/job-aplikacioni-shq.html>)

3. Dëshmi mbi shkollimi;

4. Dëshmi mbi përvojën e punës;

5. Kopja e letërnjoftimit;

6. Dëshmi mbi patent shoferin.

Informata të përgjithshme:

- Të drejtë aplikimi për këtë konkurs kanë të gjitha qytetarët pa dallim.

- Ndërmarrja ofron mundësi të barabarta, inkurajon dhe promovon angazhimin e punëtorëve, pjesëtarë të të gjitha komuniteteve dhe të gjinive të ndryshme.

- Testimi me shkrim dhe intervista do të bëhen pas përfundimit të afatit për aplikim sipas ligjit.

Konkursi është i hapur 15 ditë nga data e publikimit (31.01.2019 deri më 15.02.2019).

Vërejtje: Dokumentet e pa kompletuara, të pa nënshkruara, si dhe ato që arrijnë pas skadimit të afatit të konkursit nuk do të shqyrtohen.

Numri i kontaktit për konkursin është: **045/10 11 33** nga ora 08.00 deri 16.00 (e hënë – e premte)

Data:
30.01.2019

Kryeshefi Ekzekutiv
Lulzim Rexhepaj



Republika e Kosovës
Republika Kosova - Republic of Kosovo
Qeveria - Vlada - Government

Zyra e Kryeministrit – Ured Premijera – Office of the Prime Minister

Agjencia e Statistikave të Kosovës - Agencija za Statistiku Kosova - Kosovo Agency of Statistics

Bazuar në nenin 8 pika 3.1, nenin 6 pika 5 dhe nenin 33 të Ligjit Nr.04/L-036 për Statistikat Zyrtare të Republikës së Kosovës, Udhëzimit Administrativ Nr.08/2012 për kushtet dhe Mënyrën e Ofrimit të të Dhënave të Fituara me Përpunime të Veçanta të Statistikave Zyrtare si dhe nenin 12 paragrafi 4 të Ligjit Nr. 03/ L -149 për Shërbimin Civil të Republikës së Kosovës, Ligjin Nr. 04/L-077 për Marrëdhëniet e Detyrimeve, **Agjencia e Statistikave të Kosovës bënë:**

Shpalljen e Konkursit Publik për Marrëveshje për Shërbime të Veçanta

Emri i Institucionit	Agjencia e Statistikave të Kosovës
Titulli i punës:	Anketues/Intervistues për grumbullimin e të dhënave të arsimit tek shkollat serbe (Gjilan dhe Ferizaj)
Numri i referencës:	ASK-DSS-001
Tarifa e shërbimit:	Pagesë fikse 250€ bruto
Raporton të:	Zyra Rajonale: Gjilan dhe Ferizaj
Lloji i kontratës:	Marrëveshje për Shërbime të Veçanta – (MSHV)
Kohëzgjatja e kontratës:	Një (1) muaj
Orari i punës:	I plotë
Lokacioni dhe numri i ekzekutuesve:	ASK- 2

Detyrat dhe përgjegjësitë:

- Të marrin pjesë në trajnime dhe të njihen me Udhëzimet Metodologjike dhe Organizative dhe të jenë të përgatitur për të praktikuar në terren bazuar në udhëzimet për grumbullimin e të dhënave të arsimit;
- Të zhvillojnë grumbullimin e të dhënave për arsimin para universitar në shkollat serbe përmes pyetësorëve;
- Të shpërndajë pyetësorët në shkollat serbe dhe t'i jep udhëzime personelit për plotësim;
- Të zhvillojë kontakte me personelin e angazhuar për plotësim të pyetësorëve lidhur me mbarëvajtjen e plotësimit të pyetësorit;
- Të vizitojnë shkollat për të dytën herë për të marrë pyetësorin e plotësuar;
- Para largimit nga shkolla të bënë kontrollimin e pyetësorit të plotësuar për t'u siguruar se të gjitha pyetjet janë plotësuar dhe të gjitha udhëzimet janë ndjekur;
- Përdorimi i adresarëve për shkollat;
- Të njoftojnë mbikëqyrësit për problemet dhe pasiguritë e mundshme dhe të kërkojnë ndihmë nëse është e nevojshme;
- Intervista zhvillohet në gjuhën të cilën e flasin ai komunitet;
- Të bëjnë raportimin javor të mbikëqyrësi (zyra rajonale);
- Të përfundojnë pyetësorët brenda afatit;
- Të mbajë të gjitha informatat e pranuar nga shkollat si sekret zyrtar;
- Të sjellë në ASK pyetësorët e plotësuar pas përfundimit të punës në terren;

Përgatitja shkollore/përvoja:

- Të kenë të kryer shkollën e mesme.
- Përparesi kanë personat që kanë që kanë marrë pjesë së paku në një anketë;

Kompetenca dhe aftësitë:

- Aftësi dhe bashkëpunim shumë të mirë për të komunikuar;
- Të jenë të gatshëm për punë ekipore;
- Aftësi të orientimit në hapësirë;
- Të ketë aftësi të mira organizative;
- Të jetë nga rajoni përkatës ku kërkohet;

Kushtet e pjesëmarrjes në konkurs:

Të drejtë aplikimi kanë të gjithë Qytetarët e Republikës së Kosovës të moshës madhore të cilët kanë zotësi të plotë për të vepruar, janë në posedim të drejtave civile dhe politike, kanë përgatitjen e nevojshme arsimore dhe aftësinë profesionale për kryerjen e detyrave dhe të cilët kanë aftësitë fizike që kërkohen për pozitën përkatëse.

Aktet ligjore dhe nënligjore që e rregullojnë rekrutimin:

Përzgjedhja bëhet në pajtim me nenin 12 paragrafi 4 të Ligjit Nr. 03/L-149 të Shërbimit Civil të Republikës së Kosovës, Ligjin Nr. 04/L-077, Për Marrëdhëniet e Detyrimeve. Në këtë konkurs zbatohet një procedurë e thjeshtësuar e rekrutimit.

Procedurat e konkurrimit:

Procedura e konkurrimit është e hapur për kandidatët e jashtëm.

Konkursi është i hapur 5 ditë kalendarike nga dita e publikimit në mjetet e informimit dhe në Web-faqen e ASK-së.

Numri i anketuesve sipas etnitetit dhe regjionit:

1 anketues i nacionalitetit serb në regjionin e Gjilanit dhe

1 anketues i nacionalitetit serb në regjionin e Ferizajt.

Paraqitja e kërkesave: Formularët për aplikim mund të merren në Arkivin e ASK-së, ose mund të shkarkohet nga web faqja e ASK-së në adresën <http://ask.rks-gov.net/> Aplikacionet merren dhe dorëzohen në Agjencinë e Statistikave të Kosovës, Rr."Zenel Salihu" nr.4 Prishtinë.

Aplikacionit duhet t'i bashkëngjiten: CV¹, kopja e letërnjoftimit, dokumenti mbi vendbanimin, diploma e shkollës së mesme (të gjitha dokumentet duhet të jenë kopje).

Aplikacionet e dërguara me postë, të cilat mbajnë vulën postare mbi dërgesën e bërë ditën e fundit të afatit për aplikim, do të konsiderohen të vlefshme dhe do të merren në shqyrtim nëse arrijnë brenda 2 ditësh, aplikacionet që arrijnë pas këtij afati dhe aplikacionet e mangëta refuzohen.

Kandidatët e përzgjedhur në listën e ngushtë do të ftohen në intervistë nëpërmjet telefonit dhe do t'i nënshtrohen testit me gojë.

Agjencia e Statistikave të Kosovës, mirëpret aplikacionet nga të gjithë personat e gjinisë mashkullore dhe femërore, nga të gjitha komunitetet.

Për informata të hollësishme, mund të kontaktoni në zyrën e personelit, në tel: 038- 200 31 149 apo 038-200 31 140 prej orës 08:00 – 16: 00.

¹ Përfshi: Nr. Telefonit si dhe një adrese elektronike



Republika e Kosovës
Republika Kosova-Republic of Kosovo
Qeveria -Vlada-Government
Ministria e Drejtësisë-Ministraskvo Pravde-Ministry of Justice



Agjencia për Administrimin e Pasurisë së Sekuestruar dhe të Konfiskuar / Agjencia za Upravljanje Zoplenjenom i Konfiskovanom Imovinom/Agency for Administration of Sequestered and Confiscated Assets

**FTESË PËR OFERTIM PËR DHËNJE ME QIRA TË BANESAVE:
TRI BANESA NË PRISHTINË DHE NJE BANESA NE FERIZAJ**

Datë 30.01.2019

Referenca: AAPSK- 001/2019

AAPSK- njofton të gjithë të interesuarit se ofron për dhënie me qira të tri banesave ne Prishtinë dhe një në Ferizaj, sipas përshkrimit të më poshtë:

Nr	Përshkrimi	Çmimi Fillestar	Çmimi nga ofertuesi
1	Banesa me sip. të brendshme. 99.9 m ² dhe terasa 125 m ² , Adresa: Prishtinë, Rruga:" Eduard Lir ", kati 9-të, nr. 97. E mobiluar ka 3 dhoma,1 banjë dhe një terase Rishpallje	175.50€	
2	Banesë S. 100.08 m ² , me garazh, Adresa : Prishtinë, lagjja Lakërishtë, rr. Tirana nr. 42. Kati – Përdhese, nr. A-4/5. Banesa ka 1 dhomë të ditës me kuzhinë, Dy dhoma gjumi, Një banjë, Një ballkon, e pa mobiluar dhe garazhi niveli –3 (minus tre). Rishpallje	150.00 €	
3	Banesë S=66.2, Adresa: Prishtinë, lagjja Mati 1, Rr. Aliu Kelmendi. E pa mobiluar posedon Një dhomë e pritjes me kuzhinë, një dhomë gjumi ,një banjo dhe një ballkon. Rishpallje	112.50€	
4	Banesë 95.68m ² -Ferizaj , lagjja Fazli Sojeva , Rr. I agjia e Re, kati V , hyrja Nr. 2. Banesa posedon dy dhoma gjumi , dy ballkone , një sallon me kuzhinë një banjo dhe një Shpajz. Banesa është e pa mobiluar. Rishpallje	130.00€	

Oferta e nënshkruar, vulosur dhe e mbyllur në zarf duhet të dorëzohen më së largu deri më: 06.02.2019 në ora 10:00h, në lokalet e AAPSK-së, Divizioni i Shitjes (në adresën e poshtëshënuar). Të interesuarit objektet mund ti shikojnë me datë: 05.02.2019, ato nga pika 1,2 dhe 3, mund ti shikojnë prej orës 10:00-11:00 në adresat e lartë shënuara; ndërsa objektin ne piken 4 mund ta shikojnë, prej orës 13:30-14:30. në adresën e lartë shënuara. Pasurit e sekuestruar ose te konfiskuara në këtë procedure te ofertimit procedohen me Qira, me çmimin e lartë cekur në gjendjen siç janë.

Të drejtë pjesëmarrjeje kanë të gjithë personat fizik dhe juridik. Personat juridik të cilët marrin pjesë duhet që me veti të sjellin Certifikatën e regjistrimit të biznesit, kurse personat fizik kopjen e letërnjoftimit personal. Banesat do ti jepcn në shfrytëzim ofertuesit që ofron çmimin më të lartë.

Të interesuarit mund të tërheqin dokumentacionin në zyrën nr 1012, prej orës 08:00-16:00, ose mund të shkarkohen në web faqen e AAPSK-se,në:<https://md.rks-gov.net/>Në zarf të shkruhet për: AAPSK, Divizioni i Shitjes; oferta mos të hapet para orës 10:00.

Adresa: Ministria e Drejtësisë, Agjencia për Administrimin e Pasurisë së Sekuestruar ose te Konfiskuar Ish Pallati i Rilindjes, kati 10, Divizioni i Shitjes nr. 1012, Prishtinë, tel 038 200 18 051.



Republika e Kosovës
Republika Kosova - Republic of Kosovo
Qeveria - Vlada - Government

Zyra e Kryeministrit - Ured Premijera - Office of the Prime Minister

Agjencia e Statistikave të Kosovës - Agencija za Statistiku Kosova - Kosovo Agency of Statistics

Na osnovu člana 8. stava 3.1, člana 6, stava 5 i člana 33 Zakona br.04 / Z-036 o Zvaničnoj Statistici Republike Kosovo, Administrativnog Uputstva br.08 / 2012 o Uslovima i Načinu Pružanja Statističkih Podataka Dobijcnih Posebnom Obradom Zvaničnih Statistika i člana 12 stava 4 Zakona br. 03 / Z-149 o Civilnoj Službi Republike Kosova, Zakona br. 04 / Z-077 o Obligacionim Odnosima, Agencija za Statistiku Kosova, raspisuje:

Javni Konkurs o Sporazumu za Posebne Usluge

Naziv Institucije:	<i>Agencija za Statistiku Kosova</i>
Naziv radnog mesta:	Anketar za prikupljanje obrazovnih podataka u srpskim školama (Gnjilane i Uroševac)
Referentni broj:	ASK-DSS-001
Tarifa usluga:	Fiksna naknada 250 € bruto
Izveštava:	Regionalna kancelarija: Gnjilane i Uroševac
Vrsta ugovora:	Sporazum za Posebne Usluge - (SPU)
Trajanje ugovora:	Jedan (1) mesec
Radno vreme:	Puno
Lokacija i broj izvršilaca:	ASK- 2

Zadaci i odgovornosti:

- Učestvuju u obuci i upoznaju se sa Metodološkim i Organizacionim uputstvima i budu spremni da ih primenjuju na terenu na osnovu uputstva za ankete obrazovanja;
- Prikupljaju podatke za preduniverzitetsko obrazovanje u srpskim školama putem upitnika;
- Raspodeliti upitnike u srpskim školama i ujedno pružite smernice osoblju za punjavanje upitnika;
- Razviti kontakte sa osobljem uključenim u popunjavanje upitnika o nacinu popunjavanja upitnika;
- Da posećuje po druge škole kako bih dobio popunjeni upitnici;
- Pre nego što napustite školu, proverite popunjeni upitnik kako biste bili sigurni da su sva pitanja ispunjena i da se poštuju sva uputstva;
- Koristite adresare za škole;
- Obavestite supervizoru o mogućim problemima i neizvesnostima i potraži pomoć ako je potrebno;
- Intervju se odvija na jeziku kojim govori zajednica;
- Uraditi nedeljni izvostaj kod supervizora (regionalna kancelarija);
- Ispunjavanje upitnike u roku;
- Sve informacije primljene od škole zadržite kao službenu tajnu;
- Dostaviti popunjene upitnike u ASK-u nakon završetka terenskog rada;

Kvalifikacija / radno iskustvo:

- Imati završenu srednju školu.
- Prednost imaju osobe koje su učestvovali najmanje u jednoj anketi;

Kompetencije i veštine:

- Dobre veštine komunikacije i saradnje;
- Spremnost za timski rad;
- Veštine orijentacije na prostoru;
- Imati dobre organizacijske sposobnosti;
- Biti iz relevantnog regiona gdje je to potrebno;

Uslovi učešća na konkurs:

Pravo učešća na konkurs imaju svi punoletni (iznad od 18. godina), građani Republike Kosova koji imaju punu sposobnost da deluju, koji imaju građanski i politički prava, koji imaju potrebnu obrazovnu spremu i stručnu sposobnost za obavljanje potrebnih zadataka, i koji imaju fizičke sposobnosti potrebne za odgovarajuću poziciju.

Zakoni i propisi kojima se reguliše zapošljavanje:

Izbor se vrši u skladu sa članom 12 stav 4 Zakona br. 03 / Z-149 Civilne Službe Republike Kosovo, Zakon br. 04 / Z-077, O obligacionim odnosima. U ovom konkursu sprovodi se pojednostavljena procedura regrutovanja.

Procedura konkurisanja:

Procedura konkurisanja je otvorena za vanjske kandidate.

Konkurs je otvoren 5 kalendarskih dana od dana objavljivanja u medijima i na web stranici ASK-a.

Broj anketara po nacionalnosti i regionu:

- 1 anketar srpske nacionalnosti u regionu Gnjilane i
- 1 anketar srpske nacionalnosti u regionu Uroševca.

Podnošenje prijave: Obrasci za prijavu mogu se dobiti u Arhivi ASK-a, ili se mogu preuzeti sa web stranice ASK-a: <http://ask.rks-gov.net/>. Aplikacije se uzimaju i podnesu u Agenciju za Statistiku Kosova, Ul."Zenel Salihu" br.4, Priština.

Uz aplikaciju potrebno je priložiti: CV¹, Kopiju lične karte, dokumenat o prebivalištu, diploma srednje škole (sva dokumenta moraju biti kopije).

Aplikacije poslate poštom, koje nose poštanski žig na pošiljci-poslatoj aplikaciji posljednjeg dana roka za podnošenje zahtjeva, smatrati ce se važećim i ujedno uzet će se kao uvazene ako stignu u roku od 2 dana. Stim što aplikacije koje stižu posle navedenog roka, i ujedno neispunjavaju uslove aplikacije neće se smatrati važećim.

Izabrani kandidati koji su ušli u užu listu, biće pozvani na razgovor putem telefona i biće učesnici usmenog testa.

Agencija za Statistiku Kosova smatrat će gostoprимljne prijave svih muškaraca i žena iz svih zajednica.

Za dodatne informacije možete kontaktirati Kadrovsku Kancelariju na broj telefona: 038- 200 31 149 apo 038-200 31 140 prej orës 08:00 – 16: 00.

¹ Uključujući: Broj telefona i elektronsku adresu



Republika e Kosovës
Republika Kosova - Republic of Kosovo
Qeveria - Vlada - Government
Shërbimi Spitalor dhe Klinikë Universitar i Kosovës (SHSKUK)
Univerzitetske Bolničke i Kliničke Sluzbe Kosova (UBKSK)
Hospital and University Clinical Service of Kosovo (HUCSK)

Nr.Ref. 14/19, datë 30.01.2019.

Në bazë të nenit 13, pika 3 e Statutit të Shërbimit Spitalor dhe Klinikës Universitar i Kosovës, Drejtori i Përgjithshëm i SHSKUK-së bën:

PËRMIRËSIM KONKURSI

Në konkursin publike nr. 130 datë 29.01.2019 në të përditshmen "Epoka e Re" i cili vazhdon 15 ditë (30.01.2019 – 13.08.2019) për 3 (tre) Zyrtar të Lartë të Përkurimit në SHSKUK. Në pikën 1 të këtij konkursi të Kualifikimi është kërkuar ist ose Ekonomist e duhet të jetë Diplomë Universitare: **Jurist, Ekonomist e Inxhinier i dip.**

efoni. 045/145 - 135 - Zyra e Sektorit të Personelit të QKUK-së – Objekti i ri.

Na osnovnu člana 13, stav 3 Statuta Univerzitetske Bolničke i Kliničke Sluzbe Kosova (UBKSK) Generalni Direktor UBKSK, čini:

ISPAVLJUJE KONKURSA

Na javnom konkursu br. 130 od 29.01.2019. Godine u dnevnom listu "Epoka e Re", koji traje 15 dana (30.01.2019 - 13.01.2019. Godine) 3 (tri) Viši Inženjera za Nabavu UBKSK. U tački 1 ovog konkursa za kvalifikaciju zahteva Avnika ili Ekonomista, i mora biti univerzitetska diploma: **Pravnika, Ekonomista ili dip. Inženjera.**

nt.tel. 045/145 - 135 - Kancelarija za Personalne službe UKCK – Nova zgrada.

U napred vam se zahvaljujem.

Drejtori i Përgjithshëm i SHSKUK-së
Generalni Direktor UBKSK

Dr. Basri Sejdiu

Tri vite pa më të dashurit tonë



VALON (REXHË) DUKAJ - AGIM (BAJRAM) TOLAJ


15.09.1993-31.01.2016 dhe 18.05.1976 - 31.01.2016

Tri vite dhembje e mall për Ju.

Ikët në botën tjetër atëherë kur ne kishim shumë nevojë për juve.

Ju përkujtojnë: familja Dukaj dhe Tolaj nga Drenoci i Deçanit

AUTOSHKOLLA "RITMO - L"



**Eksperiencia jonë -
përfitimi i juaj.**

**Ju mirëpret:
Stafi i Auto Shkollës " Ritmo -L "**
**Tel / kontakt: 044 248 173; 044 200 604;
044 375 333**

>> SHPALLJE TË VOGLA <<

► "AMM" SH.P.K shpallë të pavlefshme certifikatën e biznesit me nr. 70105311 me seli në Prishtinë.

"OBA" SH.P.K shpallë të pavlefshme certifikatën e biznesit me nr. 70396779me seli në Prishtinë.

► Lëshoj banesë me qira në Lagjen Dardania afër "Bill Clintonit", kati tretë, banesa posedon të gjitha kushtet elementare, dy dhoma, kuzhinë e veçanet me pamje nga parku me çmim sipas marrëveshjes tel: 045-891-338 ose 049-616-139

► Shitet banesa në Lakërishte përballë Procredit Bankës, hyrja e parë kati i 9 banesa ka 50m2 me dokumentacion të rregullt, çmimi 52 000€. Për info 044/672-439.

► Lëshohet me qira banesa në lakërishte afër Procredit bankës është e mobiluar 50m2 për një çift çmimi është 220€. Për irro 044/672-439.

► Shes banesën hyrja e 7 mbi kurriz te banesat e gjelbërta përball shkollës "Xhemajl Mustafa" e rinovuar tërësisht. Banesa ka 82 metra katror. 3 dhoma, sallon, shpajz dhe ballkon + taras me shfrytëzim. Çmimi 75000 Euro me para te gatshme, por bej edhe ndërrim me banesë me të vogël në Prishtinë ose banesë më të madhe në Fushë Kosovë sipas marrëveshjes. Numri kontaktues: 044 672 439

► Lëshoj banesën me qira e cila gjendet prapa AAK-së me kushte të volitshme dhe po ashtu me çmim të volitshëm. Për informata më të hollësishme na kontaktoni në numrin e tel: viber +37744162783 dhe 049/900-994.

► Lëshoj banesën me qira në lagjen Bregu i Diellit te Furra "Qerimi2", i ka dy dhoma të fjetjes, sallon me kuzhinë, shpajz dhe dy ballkone. Për info 044/332-640.

► Lëshoj banesën me qira ne lagjen Bregu i Diellit 2 te banesat e bardha, afër Shkollës Iliria banesa është dy dhomshe e mobiluar komplet, për info lajmërohuni në tel: 044/262-940 dhe 049/ 737-867.

► Kërkoj kamerier me përvojë pune. Gjendemi në Prishtinë te sheshi "Zahir Pajaziti". Nr: kontaktues- 045-999-985.

► Lëshoj banesën me qira, e cila gjendet prapa AAK-së, me kushte të volitshme dhe po ashtu me çmim të volitshëm. Për informata më të hollësishme na kontaktoni në numrin e telefonit: 044-162-783.

► Lëshohet banesa me qira kati i parë , në rr. Esat Mekuli, çmimi i volitshëm. Për info. 044/ 477-107 Prishtinë. Çmimi shumë i volitshëm dhe është e mobiluar komplet.

► Lëshohet banesa me qira ne qendër të Prishtinës afër Sheshit Zahir Pajaziti, banesa është dy dhomshe e mobiluar, lëshohet me qira prej 1 qershori deri me 1 gusht (dy muaj), çmimi sipas marrëveshjes. Për informata në tel. 044/171-328.]

► Lëshoj banesën me qira në lagjen Bregu i Diellit te Furra Qerimi2, i ka dy dhoma të fjetjes , sallon me kuzhinë, shpajz dhe dy ballkone. Për info 044/332-640.

► Lëshoj banesën e re me qera në qendër prapa teatrit Kombëtar, me sipërfaqe prej 60 m2. Banesa ka një dhomë gjumi, sallon dhe kuzhinë. Ka të gjitha pajisjet. Çmimi: 300 €uro. Banesa lëshohet për afate të gjata dhe të shkurtra. Informata në tel: 049\44-888-801 (viber)

Komuna e Gjakovës
Opština Gjakovës Gjakovës Municipality
N.P.L. "STACIONI I AUTOBUSEVE" SH.A.
GJAKOVË
Nr.: 60
Data: 29.01.2016



N.P.L. "STACIONI I AUTOBUSEVE" SH.A.
GJAKOVË

KE: 0390/320 010
E-mail: nplsag@gmail.com
Info: 0390/324 268
Web:

Nr. Biznesit: 71228673
Nr. Fiskal: 601568233
Nr. TVSH: 330311833
BEK: 140200001784638

Në mbështetje të nenit 8 të Ligjit të punës nr.03/L-212, të Republikës së Kosovës, nenit 4 pika 1,2,3,4,5 dhe nenit 5 të Udhëzimit Administrativ nr.07/2017 për Regullimin e Procedurave të Konkursit në Sektorin Publik, nenit 3 të Rregullores nr.167 të datës 06.05.2016 mbi Mardhënien në Punë të Punëtorëve dhe neni 15 pika 21 të Rregullores nr.121 të dt. 04.04.2016 për Organizimin e Mbrendshëm, Caktimin e Pozitave, Detyrave dhe Përgjegjësisë të Stafit Punues, dhe vendimit nr. 59 të datës 28.01.2019 të Kryeshefit Ekzekutiv, N.P.L."Stacioni i Autobusëve"SH.A.,Gjakovë, shpallë këtë:

KONKURS

Pozita: Pastruese në Administratë

Numri i pozitave: 1 (një)

Kohëzgjatja e punës: 1 (një) vit me mundësi vazhdimi

Detyrat dhe përgjegjësit:

- Bën pastrimin dhe mirëmbajtjen e përgjithshme higjienike të lokaleve dhe zyreve të punës së administratës;
- Mirëmban dhe kujdeset në mënyrë të veçantë për byten e NPLSAGJ;
- Kujdeset në mënyrë të veçantë për pastrimin dhe mirëmbajtjen higjienike të pastërtisë , mureve, dritareve , dyshemesë dhe inventarit ;
- Mirëmban dhe ujit lulet dhe hapësirat e gjelbëruara brenda objektit;
- Mirëmban pajisjet për pastrimin e objektit ;
- Kryen dhe punë dhe detyra të tjera të caktuara nga Kryeshefi Ekzekutiv.
- Për punën e vet i përgjigjet Kryeshefit Ekzekutiv.

Kushtet për pjesmarrje : Kualifikimi dhe Aftësitë:

- Shkolla e mesme;
- Një (1) vit përvojë pune;
- Të mos jetë nën hetime për vepër penale ;

Dokumentacioni i kërkuar:

- Diploma mbi shkollimin.
- Dëshmi mbi përvojën e punës.
- Kopja e letërnjoftimit.
- Dëshminë se nuk jeni nën hetime, jo më të vjetër se 3 muaj;

Informata të përgjithshme:

- Të drejtë aplikimi për këtë konkurs kanë të gjithë qytetarët pa dallim.
- Ndërmarrja ofron mundësi të barabarta, inkurajon dhe promovon angazhimin e punëtorëve, pjestarë të të gjitha komuniteteve dhe gjinive të ndryshme.
- Testimi me shkrim dhe intervista do të bëhen pas përfundimit të afatit për aplikim sipas ligjit.

Mënyra e aplikimit:

- Aplikacioni për punësim tërhiqet në Zyrën e Shërbimit Juridik, kati II, zyra nr.2.
- Dorëzimi i aplikacionit bëhet në Zyrën e Shërbimit Juridik, kati II, zyra nr.2 tek Stacioni i Autobusëve në Gjakovë, në pliko të mbyllur, çdo ditë pune, nga ora 08:00 deri në ora 15:00.
- Konkursi është i hapur nga data 29.01.2019 – 12.02.2019.
- Kandidatët të cilët konkurojnë duhet ta shënojnë saktë adresën e banimit dhe numrin e telefonit kontaktues, apo dhe e-mail adresën.

Vërejtje: Aplikacionet e dorëzuara pas afatit të paraparë nuk pranohen, ndërsa aplikacionet e mangëta refuzohen .

Gjakovë, më 29.01.2019

Kryeshefi Ekzekutiv





REPUBLIKA E KOSOVËS/REPUBLIC OF KOSOVO/REPUBLIKA KOSOVA
QEVERIA E KOSOVËS/GOVERNMENT OF KOSOVA/VLADA KOSOVA

MINISTRIA E KULTURËS, RINISË DHE SPORTIVE- MINISTRY OF CULTURE, YOUTH AND SPORTS-MINISTARSTVO
ZA KULTURU, OMLADINU I SPORTA

NJOFTIM PËR ANULIMIN E KONKURISIT

Ministria e Kulturës, Rinise dhe Sportit mbështetur në Procedurat e Rekrutimit, njofton për anulimin e konkursit të shpallur me datë 22.12.2018, me Nr. të Ref. 58/2018, për pozitën, Koordinator për Projekte Infrastrukturore në MKRS-Prizren për shkak të procedurave të rekrutimit.

OBAVEŠTENJE O ANULIRANJU KONKURSA

Ministarstvo Kulture, Omladine i Sporta, na osnovu procedure zaposljavaanja, obavestava o anuliraju konkursa objavljenog dana 22.12.2018, sa Br. Preporuke 58/2018, o poziciji Koordinator za Projekte Infrastrukture MKOS Prizren, zbog procedure za regrutaciju.

NJOFTIM

Njoftojmë të gjithë klientët se "BT" Sh.P.K. me seli në Çagllavicë, ka marrë vendim të shuajë biznesin me numër: NRB. Biznesit 810022393 dhe ka caktuar likuidatorin për zhvillimin e procedurës së Likuidimit. Njoftohen të gjithë klientët që kanë raporte Kreditorë - Debitorë në këtë Kooperativë që të paraqiten në afatin 30 ditor nga data e shpalljes në gazetë.

OBAVESTENJE

Obavještavamo se svi klienti da Tvrtka "BT" D.O.O , u Čagllavica doneo odluku da ugasi biznis po br.registra: 810022393 I ujdno imenovao Likfidatora o sprovodjenju postupka likfidacije. Obavestavaju se sci klienti imaju obaveze I potrazivanja u navedenjo firmi, da se jave u roku od 30 dana od dana objavljivanja o novine.

ANNOUNCEMENT

All clients are to be informed that the Company "BT" L.L.C in Čagllavica, has come to the decision to quit its business with registry 810022393-The company has appointed a liquidator who is going to oversee the liquidator process. All clients who have the mortgage-mortgage accounts in this company are kindly request to show up within 30 days starting from the day of newspaper announcement publication.



ANNOUNCING THE 2017 QUALITY & SALES AWARDS

Quality & Sales Award Recipients

[Listed in alphabetical order]

- ★ ARC Refreshments Corporation- Antipolo Philippines, Quality
- ★ Embotelladora Central S.A Paraguay, Quality
- ★ Fabrica de Bebidas Gasosas Salvavidas S.A. Guatemala, Quality
- ★ Fluidi Sh.p.k. Kosovo, Quality
- ★ Indústria e Comércio de Bebidas Funada Ltda Brazil, Quality
- ★ Interbrand S.A.L. Lebanon, Sales
- ★ Kofola ČeskoSlovensko a.s. Czech Republic, Quality
- ★ Obi Zulol CJSC Tajikistan, Quality
- ★ Partex Sales sales Beverages Ltd. Bangladesh, Quality
- ★ Soft Drinks Georgia Georgia, Sales

